

Uqałhich Aglaanji John-ŋum

Uqałhum Timiniħha

1 ¹Aullaġniisaqqaaġataliġmi ittuq Uqaļiq, Uqaļiq iqataupuni suq Agaayyutmi, suli Uqaļiq Agaayyutaupuni. ²Ilaa piqatauniq- suq Agaayyutmi aullaġniisaqqaaġataliġmi. ³Taavrumuuna Uqałikun Agaayyutim iñiqtaġigai supayaat. Atausriuraqunniñ iluqaaniñ iñiqtaġikkajjaniñ iñiqtaunġitchuq ilaa piillugu. ⁴Uqaļiq kanjigigaa iñuułhum. Taavruma iñuułhum iñuich qaggutigai, kañiqsiłiksrajanun Agaayyutmik. ⁵Taamna qauma qaggutiruaq taaqtuamik, taaqtuam qamilguitchaa.

⁶ Agaayyun kilgiruaksramik tuyuqaġniqsuq, iñuŋmik atiliŋmik John-mik, ⁷taivrumuuna qaumakun iñuŋnik uqautrityaqtitlugu. Aggiġniqsuq iluqaisa kilgutmik tusraatquplugich ukpiqsrıtquplugillu. ⁸John ilaa taivrumiñaunġitchaluaqhuni, aggiġniqsuq taivrumiña qaumamik uqautrityaqhuni.

⁹Taimmataimña qauma iłumun aggilgiġmiñi nunam iñuiñun kañiq-sipchaityaqtaaq iñupayaanik nunami. ¹⁰Ilaa itman nunami, nuna iñiqtaupuni Ilaagun, naagasuli nunam iñuiñ iłitchuġingiñiġaat. ¹¹Ilaa iłamiñun tikitman, ilaiñ akuqtunġitchaat. ¹²Aglaan iłanjich ukpiqsrıplutiżj akuqtuiruat ilaanik, ilaan qitunġaġiliutipkaġai Agaayyutmun. ¹³Tamatkua aniġgitchut timim qitunġiūħagun naagaqaa iñuum pisułħagun, aglaan anitqiñiġiqsut tuvraqglugu Agaayyutim pisułħa.

¹⁴Taamna taggisiqaqtaaq Uqaļigmik iñuguqhuni akunnaptikni iñuuniaqtuq. Uvagut qiñiġikput kamanautaa inuqtuummataitchuaq iłuaqqutriķikun suli iłumutuūlikun. Taamna kamanaun pilien Ilaan akuqtuaġigaa aapamiñiñ Igħnitu ajuluġmigun. ¹⁵John-ŋum taamna uqautiġiġaa. Itnautiġiplugu, “Taamna uqautiġikkäġa itnaqama, ‘Taimña aggiqsuaksraq aqupkun kamanatluktuq uvaġniñ, takku anigaluaqna ja inġaniksimaaqhuni.’” ¹⁶Inuqtusrimaiħiġmiñi nagliktaġmigun Ilaan pilietiqaġa atigut; iluqata ikayutqigaaqħuta iłuaqqutmi-

gun. ¹⁷Agaayyutim qaitchaa maliğutaksraq uumuuna Moses-kun, aglaan iňuaqqun suli ilumutuulıq Jesus Christ-kun aggiqsuk. ¹⁸Kia-unniin Agaayyun qiňingaqsimaitchaa, kisimi Atautchim, taavruma atrijuruam Agaayyutmi suli Aapam saniغاaniittuam, iňitchuġipkautigaa.

John Paptaaqtitchirim Nipli̱ha Christ-ŋunjıñnipluni

¹⁹Jew-ŋuruat Jerusalem-miň tuyuqaġniqmata agaayuliqsinik Levi-tkuayaaniglu apiqsrugiaqļugu John kisuupmaajaan, ²⁰itna kiggutiksraisunaqani uqautiniğai nalupqinaiqļugu, “Uvaja Christ-ŋunjitchuja; Anniqsutiksrautaungitchuja.” ²¹“Kisuuvitmi? Elijah-ŋuvich?” John-ŋum kiuniğai, “Taavrumijaungitchuja.” “Naaga taimña Moses-ŋum uqautigikkaja sivuniksrıqırauvich?” John-ŋum piňigai, “Taimñaungitchuja.” ²²Nipliutilgiñniğaat, “Uqautitigutmi kisuutilaaqnik. Uvagut kiggutiqaqtuksraurugut tuyuġiriptiknun. Qanuqsamma nipliutigivich ilipkun?” ²³John kiuniğai, “Uvaja taimñauruja uqaġimakkaja Isaiah-m sivuniksriqim, itna,

İňuk tuqļuqtuaq iňuiļaamiň,
Itqanaiyautisių apqutiksraja Atanġum,
nalğuġlugu tumiksraja.”

Isaiah 40:3

²⁴⁻²⁵Taapkua uqqiraqtit tuyuuruat Pharisee-ŋuruaniň, John apıgilgiñniğaat, “Uvva, Christ-ŋunjıñniğuvich naagaqaa Elijah-ŋunjitchuvich, naagaqaa taimña sivuniksrıqıraunügenitchuvich, suvaata paptaağivich?” ²⁶John kiuniğai, “Uvaja paptaağutiqaqtuja imikun. Aglaan akun-napsitni qichaqtuq iňitchuġimaisaqsı. ²⁷Ilaa aqupkun sagviġisiruq. Uvaja siňilguyumiňaitchunjaunniň aluġutijnik.” ²⁸Tamatkua atuum-miňiqsut Bethany-mi Perea-mi Jordan taavanitchiajani John-ŋum paptaaqtitchiviani.

Agaayyutim Ipnaiyaaja

²⁹Uvlutqikman John-ŋum Jesus qiniğiga utlautiruaq ijmiňun, aasrii upyakļugu, “Uvvaina Agaayyutim ipnaiyaaja piığityaqtaq nunam iňuiň killuutaatnik! ³⁰Ilaa taimñauruq uqautigikkaja itnautigiplugu, ‘İňuk imma aggıġniaqtuq akiaqtiksraşa. Kamanatluktuaq uvaġjniň, takku ilaa anigaluaqnaja injaniksimsaaqhuni.’ ³¹Uvaja nalugaluaqļugu kisuugisiňha, tikiumaruja paptaağusriqļuna imiġmik iňitchuġipkautigisrukļugu Israel-aaġmiunun.” ³²Uvva itnailiplugu John-ŋum ilisimariġaa, “Uvaja qiniğiga Ipqitchuaq Irrusriq atqaqtuaq pakkmaġa atriqaqhuni tiňmaġ-ruurutun aasrii ilaaniitluni. ³³Kanjiqsianingitchaluağiga kisuutilaaşa, aglaan Agaayyutim tuyuġirima imikun paptaağityaqļuna, uqautigaşa itna, ‘Ilvich qiniġisigiň Ipqitchuaq Irrusriq atqaqpan aasrii inillaguni

iñuñmun, ilaa taimñaugisiruq paptaagiruksraq Ipqitchuakun Irrutchikun.³⁴ Aasrii uvaña qiniñanikkiga taamna atuumaruqaq aasrii uqautigitlapugu Igñigilhagun Agaayyutmun.”

Jesus-ŋum Sivulliich Maliguaqtai


³⁵ Uvlutqikman John taraniilgiñniqsuq malġuñnik maliguaqtijmiñik piqasriqhuni. ³⁶ Qiñiqamiuŋ Jesus apqusraaqtuq John-ŋum upyañjigaa, “Uvvauna Agaayyutim ipnaiyaaja.” ³⁷ Taapkuak maliguaqtik tusraaplugu taatnaqman, maliutinigaak Jesus. ³⁸ Jesus-ŋum kijiaqami, maliutiniq-makni qiniqlugik apiginiġik, “Sua pakikpitchu?” Taapkuak kiunigaak, “Rabbi, nani tukkuqaqpich?” (Taamnaguuq Rabbi mumiutiqaqtuaq ilisautrimik.) ³⁹ Ilaan kiunigaik, “Uvunjaġutik qiniġiatku!” Taapkuak utlauti'amik qiniġinigaak nani irviqaqtilaaja, aasrii uvlivigiplugu. Sisamanun tuqtuq-taq iļiyuñnaqsiruami sassaq unnuksraaqman. ⁴⁰ Taapkuak tusraaplutik John-ŋum uqautaanik maliutiriuak Jesus-mik ilaqataa atiqaġniqsuq Andrew-mik, Simon Peter-m aniqatigiplugu. ⁴¹ Andrew-m sivulliuplugu paqilgħaġnigaa aniqatni Simon uqautiplugu, “Uvaguk paqitkikpuk Messiah” (mumiutiqaqtuaq Christ-mik naagaqaa Anniqsuqtimik), ⁴² aasrii Simon Jesus-muutiplugu. Jesus-ŋum qiniqlugu nipliutiniga, “Ilvichuvva Simon, iġnija John. Taiyuutinikkisirutin Cephas-mik” (mumiutiqaqtua-mik Peter-mik Iyaġajmigu).

Jesus Tuqlüiħha Philip-mik Suli Nathanael-mik

⁴³ Uvlutqikman Jesus sivunnigħiñihsuq Galilee-mugukhuni. Ilāan Philip paqitlugu nipliutiniga, “Maliguajja!” ⁴⁴ Philip-guuq Bethsaida-ġmiuju-nihsuaqtuuq Andrew-mlu Peter-mlu irviakni. ⁴⁵ Philip-ŋumli nalautlugu Nathanael, uqautiniga “Uvagut paqitkikput taimña Moses-ŋum uqau-tigimakkha maliġutaksrani suli sivuniksriqirit uqautigikkajet. Ilaa Jesus-ŋunihsuq, Nazareth-miu, Joseph-ŋum iġnija.” ⁴⁶ Nathanael-ŋum piñigaa, “Qanusriq nakuuruaq aggitlava Nazareth-miñ?” Philip kiu-gaa, “Kiataamili qiniġiaqsaġġu!” ⁴⁷ Jesus-ŋum qiniqamiuŋ Nathanael

utlautiruaq ijmiñun nipliġñihsuq, “Uvvauna Israel-aġġiupiäga-taq! Ilāani piitchuq pigiilaq.”

⁴⁸ Nathanael-ŋum apiqsruġni-gaa, “Qanuqlugu ilisimavija?” Jesus-ŋum kiugaa, “Philip-mun tuqluġaluaqtinak qiniñiżiġikpiñ atajiusrima’avich asrirriraqaqtuami napaaqtumi.” ⁴⁹ Nathanael-ŋum kiugaa, “Ilisautrii! Ilvich Agaayyutim



(Jn 1.48)

Igñiġiniġaatin! Israel-aağmiut umialiginiġaatin!”⁵⁰ Jesus-ŋum kiugaa, “Ilvich ukpiliqsiqpich qīñiġni’apkiň sivuani ataani napaaqtum asrirriġaqtuam? Qiñiġisirutin kamanatluktuanik taavrūmakaġna.”⁵¹ Jesus-ŋum nipliutipsaġniġai, “Iłumutuuruamik nipliutigipsi, Ilipsi qīñiġisigksi qīlak ajmaqpan suli Agaayyutim israġulgi mayutmuktuat naagaqaa atqaqtuat Iñuum Igñiġanun.”

Jesus-ŋum Atlaġjuqtitchiħha Imiġmik Misruqqumun

2 ¹ Uvluk piñayuakun katchuutniaqtuak inniqsuk Cana-mi nunaaq-qimi Galilee-mi ittuami. Jesus-ŋum aakanja itmiñihsuq. ² Suli Jesus-lu malīgħaqta in lu maliġħaqta aiyugħaqta upmiñihsu katchuutniaqtuaġnun. ³ Misruġuutaat nujupman, Jesus-ŋum aakanjan nipliutiniġaa, “Ukua misruġuutaat iñihsu.” ⁴ Jesus-ŋum kiunīġaa, “Tiliuqtaksraqingħitchikma sut-quluja. Piviksraqasuli tikiu ma itchhuq.” ⁵ Jesus-ŋum aakanjan uqautiniġai savaktit, “Piyumigiksi qanupayaaq tilikpasri.” ⁶ Taraniguuq itchaksrat qattaliat iyaġaich imiġnun innihsu, atausriq immaqtutilaaqallaapluni iñu iññaqtun naagaqaa iñu iññaq qulit gallon-tun, Jew-juruat mal-ġutaksrriżrusriġġikkāġmikkun iġġuutksraqtuġġvikaajnejch. ⁷ Jesus-ŋum uqautiniġai, “Immiġsigik qattat imiġmik.” Tarra immiġnīġaich qaqluk-piuraqħugħiċċi. ⁸ Tarakħaasrii Jesus-ŋum nipliutigai, “Tarakħa qalusriżi, niġiġpaktuat ajalataat payuksiun!” Taapkua payuġġiġaat. ⁹ Ajalataata niġiġpaktuat uukamiu imiq misruġuġuqtitaq nalunīġaa nakitħaqtaw-tilaa ja tamarruma misruqqum, aglaan taapkua savaktit qalusruriat imiġmik il-ħiġi maniġġa. Taavruma ajalataata niġiġpaktuat tuqħuġniġaa uiksraun, ¹⁰ nipliutiplugu, “Atlat autaqqtitchiraqtut misruġuġiñjiksramik sivulliuplu, aasrii aiyugaaktat imianikmata, akiitlunjiñihsramik piaqqa tħalli kieni ġiġi. Aglaan ilvich itinniġiñ misruġuġiñihsraq isruanun-agħlaan.” ¹¹ Sivulliġpiajuplu taamna quviqnaqtuaq savaaq Jesus-ŋum iñiqtagiġiġaa Cana-mi Galilee-miittuami. Ilaan kamanautni qīñiqtinniġaa. Aasrii malīgħaqta iñiħi ukpigiliutipsaġniġaat. ¹² Tamarruma aquagħu Jesus aakanilu nukatchiajilu suli malīgħaqta ġi Capernaum-muñnihsu, taraniasriiñ itlutij ikitu urani uvluni.

Jesus-ŋum Suaqħuiyaiħha Agaayyuvikpauramik

¹³ Jew-juruat niġiġpag vikaajnjat atilik Apqusaakkau ġiġi tikiyasri-ruq, aasriiñ Jesus Jerusalem-mun aullaġnihsuq. ¹⁴ Agaayyuvikpajjmi pakinniġaa iñu iħi tunniuqqairu at aġusallu ħnejk ipnaiñiġlu tiġi ma-ġruuraniglu suli simmiqsuqtit maniżżejjix aqappiru manniqiviġġi. ¹⁵ Aasriiñ akħluna amik, ipiġaqtuusriq huni uumaru apayaat aninniġai Jew-juruat agaayyuvikpajjatiñ, manniqiviġi simmiqsuirit maniżżejjix ul-ġuġiġi, simmiqsuutiñiġi siġġi. ¹⁶ Suli tilipliġiħi tunisiul-



(Jn 2.7)

laqtuat tiŋmiağruuranik itnaqhuni, "Tamatkua uvakja anitchigik! Aapaa tupqa tunisiuqqaiviguqnagul!" ¹⁷Maliǵuaqtaiň itqaǵnígaat uqałiq aglausimaruqaq itna, "Agaayyuń! Siqńigillapiąlıǵma tupiǵıkkapnik iluqnauqsimsaaqtitkaajań." ¹⁸Jew-ıjuruat nipliutitqińńígaat apiqsruutmik, "Sumik quviqnaqtuamik ińiqtqaǵutin qíńiqtinnayaqpiuń uvaptiknun nalaułhiń taatnasrıǵaqavich?" ¹⁹Jesus-ıjum kiugai, "Unauvva agaayyuvíkpk piyyaqupsiuń, pińasruni uvluni nappatqikkisigiga." ²⁰Jew-ıjuruat apiqsruǵnígaat, "Pińasruni uvluni nappatqikkisiviń? Malǵukipiaq itchaksrani ukiuni nappaǵniakkauruq agaayyuvíkpk unań!" ²¹Aglaan Jesus uqautigikkaja agaayyuvíkpk atrijuniqsuq ilaan timaanun. ²²Taamani tuqulıǵmiň anitqikman, maliǵuaqtaiň itqaǵnígaat taatna uqałha, arguaqqutaitļugich aglausimaruat uqałhich, suli Jesus uqautigikkanji.

Jesus Ilısimagai Iluqaisa Ińuich

²³Jesus Jerusalem-mi ititlugu niǵıqpagvikaami taggisiqaqtuami Apqusraaqtitaulıǵmik ińugiaktuat ukpıgınıǵaat qıńıqamisigik quviqnaqtuat savaajı. ²⁴Aglaan Jesus-ıjum ilumutuugingińńígai, atakkii ilaan ińuich ilısimmaağıkługich. ²⁵Ińuktigun kanıqsipkägnıagnaqhuni ingińńiqsuq, ilaan kanıqsimmaağıkługich ińuich isrummatińjich.

Jesus-ŋum Iļisautriļha Nicodemus-mik

3 ¹Uvvaasriiñ inniqsuq iñuk atiqaqtaaq Nicodemus-mik, Jew-ŋuruuat sivulliuqtaiñ ilaŋat, piqataupluni taapkunani Pharisee-ŋuruuani. ²Unnuat ilaŋatni utlautiniqsuq Jesus-mun niplihuni, “Iļisautri! Ilitchuġigikput ilvich iļisautriksrauplutin tuyuuħiñ Agaayyutmiñ. Kia-unniñ piyumiñaitchai quviqnaqtuat savaat kisianik Agaayyutim piqasriumalugu.” ³Jesus-ŋum kiugaa, “Iļumutuuruamik uqautigikpiñ, iñuum anitqiñgisuaguni, Agaayyutim ajaayuqautaa qīñitlasriyumiñaitchaa.” ⁴Nicodemus-ŋum apiqsrulgiññigaa, “Qanuġuni iñuguaniktuaq anitqikkisiva? Nalupqinaitchuq, aakami iluanun isitqiaqsiyumiñaitchuq, aniħi tugliġitħlasrilugu.” ⁵Jesus-ŋum kiugaa, “Iļumutuullapliaqtauamik nipliutigikpiñ, Iñuk anitqiñgisuaguni imikun suli Ipqitchuakun Irrutchikun isitlasriyumiñaitchuq Agaayyutim ajaayuqautaanun. ⁶Tamatkua aniruat iñujniñ iñugruiňaurut. Tamatkualiasrii kisiisa Ipqitchuam Irrutchim anitqiksitaŋi iñuugisirut Ipqitchuakun Irrutchikun. ⁷Quviġusruutiginagu nipliutiga, ‘Anitqiksuksraupiaqtausri’. ⁸Anuġi igliqaqtuq napmupayaġukaġi, ilipsiasriiñ tusraaplu anuġim siġġrujñiġa, aglaan iļisimatlaitchiksi nakiñ aggħiha unniñ napmuħha. Taatnatun kiñapayaaq ittuq animaaqtaaq Ipqitchuakun Irrutchikun.” ⁹Nicodemus-ŋum apiqsrugniġaa, “Qanuġuni taatniitlagisiva?” ¹⁰Jesus-ŋum kiugaa, “Ilvich iļisautrau-galuaqhutin Israel-mi taamna naluniqpiu? ¹¹Iļumutuullapliaqtauamik nipliutigikpiñ, Uvagut uqaġaqtugut iļisimakkaptiknik suli iļisautriqaq-tugut qīñikkaptiknik. Aglaan nallipsi uqałiqput akuqtuġummataitħħaa. ¹²Ilipsi ukpiġingħitchipsitnā uqautikapsi nunakħajqatigun; qanuġusri ukpiġitħlasrigisivisitnā uqautigupsi pakmakħajqatigun? ¹³Kiñaunniñ pakmuja mayuqsimaitchuq, aglaan Iñuum Igħniżja atqaqtuaq tatpakkmaġja. ¹⁴Moses kivikmatun nimiġiajñuaq nappaqtamun suviksraiħlaami, taatnatun Iñuum Igħniżja kiviktaksraugisiruq. ¹⁵Kisupayaaq ukpiqsriluni turviñktuaq ilaanik isruitchuamik iñuugisiruq.

¹⁶ “Agaayyutim nunam iñui piqpagivagitħugħi, Igħnitudun aatchuutigi-niġaa. Kisupayaaq ukpiqsriliku turviñktuaq ilaanik tuquyumiñaitchuq, aglaan isruitchuamik iñuugisiruq. ¹⁷Atakkii Agaayyutim Igħniñi tuyuġinġitchaa atanniqsuqtautquplugu nunam iñuiñun aglaan anniq-suqtautquplugu iluqaitnun. ¹⁸Kisupayaaq ukpiqsriluni tunħaż-żejjixiñktuaq Igħniżjanik, atanniusrıaksraitchuq. Aglaan ukpiqsrilu ħażiġi tħalli Agaayyutim Igħnituġġikkajjanik. ¹⁹Taatnailiġplugu taamna atanniusrıaksraq ittuq, qauma nunam iñuiñun tikitman. Aglaan iñuich piqpagitlukkaat taaqtaaq taavrūmakaġ jaqaumamiñ, takku ilijx īrrusiñiksimaqħutij pigiit-chuamik. ²⁰Kisupayaaam irrusiñiksimaqħuam pigiitchuakun qauma

uumigigaa, suli utlautisrutlaitchuq qaumamun, takku ilaan irrusrigiliutikkani piginchuaq sagviqunqitługu. ²¹ Aglaan kisupayaaq irrusrinikkami ilumutuuruamik qaumamun utlautiraqtuq, taavrumuja qaumamun sagviumatquplugu irrusrigiliutikkani tupiksriłikun Agaayyutmik.”

John Paptaaqtitchiri İlisiimaraułha Jesus-kun

²² Taavruma aquagun Jesus-lu malığuaqtiniļu aullağniqsut nunajanun Judea-m. Tarani ittuallajniqsuq ilijitñi suli paptaagiłpluni. ²³ John-tuuq paptaaginiqsuq Aenor-mi uñasriñgitchuamiñ Salem-miñ, takku imğuk-kaqhuni tamanna. İnuich utlaağaqlugu ilaan paptaaqtağnígai. ²⁴ John taamna isiqsimaitchuqsuli isiqsivijymun.

²⁵ John-ŋum malığuaqtaiň iļańich uqaksraqtuaqsiňiqsut Jew-ŋuruatlu taavrumuna ipqiqsakkaułikun. ²⁶ Aasriiň John-mun utlautiplutiň uqautiplugu, “İlisautri! Arjun itqaǵiviuŋ Jordan-ŋum igluani piqtatigikan, ilvich uqautigikan? Ilaa paptaaqiaqsiruq, aasrii iňuum iluqani utlakkaa!”

²⁷ John-ŋum kiuniǵai, “Kiňaunniň sumik piqaǵumiňaitchuq, Agaayyutmun qaitchiňgunnani. ²⁸ Iłipsi İlisiimarigigipsi nipliçsimalłapkun ‘Uvana Christ-ŋungitchuja, aglaan ilaan sivuani tuyuumaruja,’ itqanaiyauttyaqtitługu. ²⁹ Nukatpiaq katchuutniaqtuaq niviaqsiam uiksrautigigaa. Nukatpiam ilau-raaja qichaqatauraqtuq naalaǵniplugu, quviagliplugu tusraałha nukatpiam katchuutniaqtuaq nipa. Taatnatun quviasrulıǵa naammatigiruq. ³⁰ Ilaa piǵuqtuksraruq kamanaqsitługuni, uvańjasrii nuimaiǵluňa.

Ilaa Aggiqsuaq Qılajmiň

³¹ “Ilaa aggiqsuaq pakmakja iluqaitñiň kamanatluktuq. Nunakpjatagalı iňułhiňaupluni nunamiittuańjuruq, nunakpjataniq nipiqaqhuni. Ilaa aggiqsuaq qılajmiň kamanatluktuq iluqaitñiň. ³² Aasrii uqautigigaa qiniikkani tusraakkaniļu, aglaan kisupayaat uqańha akuqtungitchaat. ³³ Kiaakuqtiruam uqałhanik nalupqigingiǵaa Agaayyutim ilumutuułha. ³⁴ Taavruma Agaayyutim tuyugikkajan Agaayyutim uqałhi uqaǵigai, takku Agaayyutim qaitchiplugu inuńjaiqługu Ipqitchuamik Irrutchiǵmiň. ³⁵ Aapam Igńiňi piqpagliplugu aasrii supayaat aatchuutigigai ilaanun. ³⁶ Ilaa ukpiqsriruaq Igńiǵmik isruitchuamik iňuułiqaqtuq, aasrii tupiksriñgitchuaq Igńiǵmik iňuułiqaǵumiňaitchuq. Aglaan Agaayyutim qinnautaa nayutigisiruq ilaani qañańavak taimurja.”

Jesus-lu Ağnaǵlu Samaria-ǵmiu

4 ¹Pharisee-ŋuruat tusraaniqsut Jesus iňunnatluqaqsiňiplugu paptaaqitlukhuniļu John-miň ²(Jesus ilaa paptaaqtingitčaluaqtitługu, aglaan malığuaqtai). ³ Jesus-ŋum tusraa'amiuŋ uqaǵikkańat, Judea-miň aullağniqsuq Galilee-mun utiqhuni.

⁴Utiligmiñi taavrumani Samaria-kuaqtusrauniqsuq. ⁵Tikiññiqsuq Samaria-m nunaaqqijanun atiqaqtuamun Sychar uñasriñgiññiqsuamun nunajaniñ Jacob-ŋum qaisajaniñ iğñigmiñun Joseph-mun. ⁶Jacob-ŋum nivviaja taraniinniqsuaq. Aasrii Jesus iglualigmikniñ iñiqtuqhuni, nivviam saniqaanun aquvinniqsuaq, uvluq qitiqquqman. ⁷Samaria-ǵ-miu ağnaq aggigñiqsuaq imiqtaqiaqhuni. Aasrii Jesus-ŋum nipliutiniğaa, “Imiksriñja!” ⁸Immali maliguaqtai nunaqqimujniqstut niqiksramiknik tauqsigiaqhutij. ⁹Ağnam Samaria-ǵmium nipliutiniğaa, “Ilvich Jew-ŋurutin aasrii Samaria-ǵmiuñupluña. Qanuqhutin injipiña imigukhutin?” (Uvvatakku Jew-ŋuruat piqatiqatlaitchut Samaria-ǵmiunik.) ¹⁰Jesus-ŋum kiugaa, “Ilısimagupku Agaayutim aatchuutiksraja suli kisuulla injiqtigkaqpich imiksritqupluni injigayağıñ, aasrii Ilaan qaitchilutin iñuunaqtuamik imigmik.” ¹¹Ağnam nipliutigaa, “Ilvich qattaitmiutin, aasrii nivviaq itipmiuq. Nakiñmi imiq iñuunaqtuaq piñayaqpiun?

¹²Jacob-ŋum sivulliaptu uumişa nivviamik piqaqtitajatigut, qitungaiñlu suli pamısaanjisa imigvigimakkaqatnik. Ilvich Jacob-miñ kamanatluktuajunasrugivich?” ¹³Jesus-ŋum kiugaa, “Kiñapayaaq imiqtaaq imigmiiñuumakja imigulitqikkisiruq. ¹⁴Aglaan kiñapayaaq imigmiiñ aatchuutiksramniñ imigumi imigulitqiññiangitchuq, takku imiq aatchuutiksraga itkisiruq ilaani suvliktuatun nivviatun imigmik iñuunaqtuamik, piqaqtillugu ittuksramik isruilaamun iñuułigmun.” ¹⁵Ağnam nipliutigaa, “Taavrumija imigmik qaitchijja, imigulitqiñğitchumuujali unniñ uvuña imiqtatqiñğitchumuuya.” ¹⁶Tarra Jesus-ŋum nipliutiniğaa, “Aullağutin uqautityağuñ ilaqtin pakma nayuqtigikkan, aasriiñ uvuqatqigutik.” ¹⁷Ağnam kiuniğaa, “Ilaqataitchuja.” Jesus-ŋum kiugaa, “Ilvich nalauuttutin nipliqavich ilaqtataiñniplutin. ¹⁸Ilvich ilaqtatniktuqsimarua-mi tallimani, aasrii nayuqtigikkan pakma nalaullugu ilaqtigingitchiñ katchuusrimaitchiñ. Taatnaqavich nalauuttutin.” ¹⁹Ağnam nipliutigaa, “Taatnailiplugu ilisimmatiqaqñiqavich kajiqsigiga sivuniksriqirauħiñ. ²⁰Samaria-ǵmiut sivulliavut agaayumaağuurut uumanı iñgimi aasrii-li ilipsi Jew-ŋuruani uqağıqtusri iñuich agaayumaaqtuksrauniplugich Jerusalem-mi.” ²¹Jesus-ŋum nipliutiniğaa “Ağnaaq, ukpiğijja, Piviksraq tikitkisiruq iñuich agaayuvigitlaigniaqmatriuq Aapa uumaniuñniñ iñgimi naagaunniñ Jerusalem-mi. ²²Samaria-ǵmiusri ilisimanğıpiągık-si kisumun agaayumaalıqsi; uvagut aglaan Jew-ŋuruani ilisimagikput kisumun agaayumaalıqput, takku iñuich anniqsuqtiksrajet Jew-ŋuruaniñ kajiqaqtuq. ²³Aglaan piviksraq tikisaaqtuq, pakmaunniñ tikiumaaniktuq, ilumun putqatağvíqaqtuat agaayumaağviginiaqmatriuq Aapa Ipqitchuakun Irrutchikunlu ilumutuulikunlu. Takku Aapauruaq piqağuktuq iñuich agaayumaağviginiaqtuanik iñmiñun taatnaililugu.

²⁴Agaayun Irrusiuruq. Tamatkua putqatağvíqaqtuat ilaanik agaa-

yumaaqtuksraupiaqtut Ipqitchuakun Irrutchikunlu ilumutuułikunlu.”

²⁵ Ağnam nipliutiniğaa, “Uvaja kaniqsimagiga Messiah taiyuutilik Christ-mik aggisagsaqmaruaq. Ilaan aggigumi uqautisraqumakkañatigut supayaamik.” ²⁶ Jesus-ŋum nipliutigaa, “Uvaja uqaqatin Ilaajuruja.”

²⁷Taatnaanigmiglu tarani Jesus-ŋum maliguaqtai utiğniqsut. Atqunaq quviğutchañiqsut Jesus ağnamik uqaqatiqağniqman. Aglaanguuq nalliyata nipliutingiññigaa ağınaq, “Sumik pisukpich?” naagaqaa apiqsrun-giññigaat Jesus, “Suvaata ağnamik uqaqatiqaqpich?” ²⁸Tarakja ağnam imiqtautni unitlugu, nunaaqqimun utiğniqsuq, uqaaqsipluniasriiñ iñuñ-nun, ²⁹“Maligluja qiniqiaqsuq iñuk uqautriga suraǵalipayaamnik. Ilaa Christ-ŋungitchaluaqpa?” ³⁰Tamatkua uniññigaat nunaaqqiq utlautiplutin Jesus-mun.

³¹Taatnałhatniguuq, maliguaqtaiñ Jesus uqapsaağniğaat, “Ilisautrii, niğ-giññ!” ³²Ilaan kiuniğai, “Niqautiqaqtuña ilisimanğisapsitník.” ³³Taatnaqman maliguaqtai avatmun apiqsruqtautiaqsiñiqsut, “Iñuum una payunğitchalaugniqpaun niqiksramik?” ³⁴Jesus-ŋum nipliutiniğai, “Niqautiqaqtuña tupiksrlıigmik tuyuğirima pitqutanik suli itqanalıiksrajanik savaam qaisajan iñiqtagıtquplugu.” ³⁵“Uqaqatursi, itnailiplugu nautchiiviksugun, ‘Sisamani tatqiñi ittaqtuq katitchiviksraq.’ Uvajali nipliutigipsi, qiniqtuallautaqsigik nauruat pakma piňjuqtuat katitaułhiňaağquhutinj. ³⁶Iñuk kipripluni katitchiruaq akiññaqatqat katitchiliğmiñi nauruanik isruitchuamun iñuuḥigmun, atunim aasrii nautchiiruağlu kipriruağlu quvia-sruqtigiiķisisiplutik. ³⁷Uqautauraq ilumutuuruq itna, ‘Iñuk nautchiiraqtuq atlám aasrii kipiplugu, katitlugu mukkaaksraq.’ ³⁸Uvaja tuyuğipsi kiprilusri katitchitquplusri nautchiivijmi savaaqağvigimaisapsitní atlat savaaŋatnii aasrii piňnagusri taipchua savaaŋatniñ.”

³⁹Samaria-ǵmiut iñugiaktuat nunaaqqimikni ukpiqsriiñiqsut Jesus-mik ağnam itnałhagun, “Ilaan uqautigaaja supayaamik atuqsimakkamnik.” ⁴⁰Taatnaqługu Samaria-ǵmiut tikitñamitruj, ittuallaquaqsiñigaat ijmikni. Jesus-ŋumaasriiñ malgijni uvlujni nayuğniğai. ⁴¹Iñugiaksiłaağniqsut ukpiqsriurat ilaan uqauttutaigun. ⁴²Aasrii ağınaq uqautiniğaat, “Ukpiqsriiñiqsugut ilvich nipihiňaağingisapkun aglaan uvaptiknik tusraap-lugu, ilitchuğigikput ilumutun anniqsuqtiksraułha nunam iñuiñik.”

Jesus Mamititchiñiqsuq Aŋalatchirim Iğñiñjanik

⁴³Kiňuagun malġuk uvluk Jesus aullağniqsuq Galilee-mun. ⁴⁴Ilaan ilisimagaluaqługu, “Sivuniksriqiri kamakkusriaqatlaitchuq iñimi nunamiñi,” aullağvaginiğaa. ⁴⁵Galilee-mun tikitman iñuich paglaniğaat, qiniñianıkługu supayaaq savaağikkaña niğiqpagvikaami taggisıqaktuami Apqusaakkaułigmik, takku iliňittuuq utlautiniqsut niğiqpagvikaamun Jerusalem-mi.



(Jn 4.38)

46 Taatnaqhuni Jesus utitqijñiqsųq Cana-mun Galilee-mi ittuamun, sivuani imigmik misruuguqtitchivijmiñun. Aasrii Capernaum-mi inniqsųq ajanalatchiri iğñiqağniqsuaq atniğñaqtuamik. **47** Tusraa'amiuj Jesus tikitlugu Galilee-mun Judea-miñ, utlakługu apiqsruğniğaa Capernaum-muglugu iňuaqsipkağayaítmajaan iğñi tuquhiňaağuqtuaq. **48** Jesus-ŋum nipliutiniğaa, "Nalliqsiunniñ tarra ukpiqsriyumiňaipiaqtuq, qiniğalaqańi kamanaqtuaniglu savaanik quvíqnaqtuaniglu." **49** Ajanalatchirim kiulgiňiğaa, "Maliŋŋa, qitungauraǵa tuqgaluqaqtitnagu!" **50** Jesus nipliutigaa, "Aullaǵiň, iğñiǵiň iňuugisiruq!" Taavruma iňuum Jesus-ŋum nipliutaa ukpigiplugu aullaǵniqsųq. **51** Anjilaatmuktitlugu savaktaiň paagñigaat tusraapkägiaqługu "Iğñiǵiň iňuugaqsiruq." **52** Apiqsruğniğai qañaaglaan iğñi iňuaqsitmuaqsipmajaan. Taapkua kiuniǵaat, "Ikpaksraq uvluqpaguğniğmiňiň atautchimun iliyuŋnaqsipman uunaqļuutaiqsųq." **53** Aapauruam iňitchuginiğaa atuummiňha taivrumani sassaqnígmi Jesus-ŋum nipliutikmani, "Iğñiǵiň iňuugisiruq," Taatnaqhuni ukpiliğniqsųq, suli iluqaǵmiň tupiqatipayaanjilu. **54** Taavruma tugliliğniğaa quvíqnaqtuaq savaanja Jesus-ŋum Galilee-mukman Judea-miñ.

Jesus-ŋum Mamititchiňha Atniğñaqtuamik Narvauram Siňaani

5 ¹Aquagun tamarruma Jew-ŋuruat niğıqpagvikaajat ilgiňiňiqsųq. Aasrii Jesus-tuuq utlautipluni Jerusalem-mun. ²Taamani Jerusalem-mi Ipnaich Paanatni narvauraqağniqsųq tallimanik quligütilik. Hebrew-tguuq uqańatigun taiyuutiqağniqsųq Bethzatha-mik.

³ Iñugiallapiaqhutij iñuich atniġñaqtuat nalaniqsut tamatkunani quliġutit atinjitiñi qiñitlaitchuat, pisrutlaitchuat, suli auliyatlilat taqqiplutij imġum iliqsraqtılıksrajanik. ⁴ Uvvaguuqtakku qakugulitchiaqlugu Agaayyutim israġulgan imiq iliqsraqtitaġniqmagu aasrii sivulliq atniġñaqtuanin kiñiġħaaqtuaq ajalataupkaqqaqqlugu imiq mamitauraġniqsuq qanusripayamik atniġħautiqaġaluaŋħaġmi. ⁵ Iñugguuq atniġñaqtuaq iñuiñnaq akimiaq piñasruni ukiuni tarani itmiñiqli. ⁶ Jesus-ġum qiñigniġaa nalaruaq suli kaqisipplugu ilaan atniġñaħha takiruami, aasrii nipliutiniġaa, “Iluaqsisukkaluaqpich?” ⁷ Atniġñaqtuam kiuniġaa, “Uvaja kiñisaitchaqtu imiq iliqsraqtitaupman. Takanu jaġniaqtluja atlal sivulliugaġiga jaġa.” ⁸ Jesus-ġum nipliutigaa, “Makillutin, ikivgħat-tigulugħiċċi pislugi.” ⁹ Taimmaiñna taamna mamitauniqsuq; ikivgħani tiguplugin, pisrujniqsuq.

Uvluq tamanna taavrūma atummivja Jew-ġurut minġuiqsiāġviginigħaat. ¹⁰ Taatnaqqlugu Jew-ġurut nipliatiaqsiñiġaat iñuk iluaqsikkauruaq, “Ugluvak minġuiqsiāġvируq. Atuqtaksrapthiknun akitnautiniqsutin ikivgħapnik akiyaqavich.” ¹¹ Ilaan kiuniġai, “Taivrūma iluaqsipkaqtima uqautiga jaġa, ‘Ikivgħat-tigulugħiċċi pislugi.’” ¹² Taapkua apiqsrug-niġġaat, “Kia taatnaquvatin?” ¹³ Aglaan taavrūma iluaqsikkauruam ilitchu ġingiñniġaa kisuutila jaġa, atakkii Jesus tamaakħja piiġniqsuq iñugiakpagħitluni tamanna. ¹⁴ Aquagħu taavrūma Jesus-ġum paqinniġaa Jew-ġurut agaayyuvikpanjatni aasriiñ nipliutiplugu, “Atanji. Pakma iluaqsirutin. Killuqsatqinjiaqnak. Takku killuqsagħuvich pigiitlkutuaq tikitpiaqtuq ilipnun.” ¹⁵ Taavrūma iñnum aullaqami Jew-ġurut uqautiaqsiñiġai Jesus-ġuniplugu iluaqsipkaqtini. ¹⁶ Taavrūmija piqusriqħutij Jew-ġurut piyuagaqsiñiġaat Jesus, ilaa iluaqsiiñiġħiġi minġuiqsiāġvium uvluani. ¹⁷ Jesus kiuniġai, “Aapaga savaktuq ataramik iñiġħiġi, suli uvaġaptuuq savaktuksraupmiu.” ¹⁸ Taavrūma nipliutim Jew-ġurut sivunniqslillapiġniġai tuqqutħukklu, taavrūmuuna lhiha unġiġitchuaq minġuiqsiāġvium atuqtasraġiun aglaan nipliħagħunlu Agaayyutmik aapaqqaġnipluni suli atriliutipluni iż-żmiġi Agaayyutmu.

Iġniġuruam Ajalatchiħha

¹⁹ Jesus kiugħi, “Uqautigipsi ilumutuuruamik itna, Iġniq iñiqtaqatlait-chuq ijmigu lhiha. Ilaa savaaqaqġaqtuq taavrūmija qinikkaġmiñik Aapani savaaqaqman. Supayaamik Aapauruaq iñiqtaqaqman, Iġnijantuuq savaa-ġiraġigħaa. ²⁰ Aapam Iġni urriqsuutiraġigħaa iluqaanik savaaġiitlakkaġmiñik, atakkii piqqagħiplugu. Ilaan iħiġiġiġi kamanatlkutuanikun-niñi tamatkunakħja iñiqtaqkka jaġi, ilipsi quviġġusrullapiatlasriżi. ²¹ Atriplugu Aapaa aqipchairaġħiha tuqruuanik iñugħutqiġiġi, taatnat-tullapiaq Iġni jaqa tħalli l-ġalli. Iġni jaqa tħalli l-ġalli, iñnu li tgħidha qiegħi.”

²² Aapaña iñimiñik atanniqsungiqhuni, aglaan Igñi qaitchianijniñaa atanniiłigmik. ²³ Taatnaqhuni iluqani kamakkun itkisiruq Igñijanun atrılıgu iñuich kamaqsriłhat Aapajanik. Kiñapayaaq kamakku-taitchumi Igñijanun kamakkutaitmiuq Aapanjanun tuyugıraanun.

²⁴ İlumutuullapiaqtuamik uqautigipsi, Kiñapayaaq tusraaruqaq uqautimnik suli ukpiqsiruaq tuyugırimnik piñäktaqtuq isruitchuamik iñuułigmik. Taamna atanniqsuyumiñaitchuq, aglaan pituğaaniktuq tuquňałigmiiñ iñuułigmun.

²⁵ “Uqautigipsi ilumutuullapiaqtuamik, Piviksraq tikiññiaqtuq, ami tikiumaaniktuq tuquňaruat tusraalıksrajat nipaanik Igñijan Agaayyutim, aasrii tamatkua tusraaruat iñuuniaqtut. ²⁶ Atriplugu Aapauruaq Ilaa kańjiruaq iñuułigmii, taatnatun Aapauruam inillakkaa Igñigikkani kańjutasriplugu iñuułigmii. ²⁷ Suli qaitchaa Igñi nalaullugu ańjalatchilıksramik atanniqsuiłigmik, atakkii Ilaa Iñuum Igñigiplugu. ²⁸ Taamna quvíğusruutiginagu, piviksraq tikiññiaqtuq tuqruuat iluqatiq iluvıgnı tusraagisiłhat nipaanik. ²⁹ Aasrii ilińich ańitqiglutiq iluvıgnıñ, tamatkua savaağıksuat ańilutiq iñuułigmun suli tamatkua savaağiıtchuat ańilutiq sivuuğanaqtua-mun atanniqsuviksragmiknun.

Ilısimarit Jesus-kun

³⁰ “Sumik savaaqığumiñaitchuja uvapkuiñaq. Uqausriusriaǵa tuvraqługu Agaayyutmiñ atanniiraqtuña. Taatnaqhutiq atanniutitka nalaunjarut, tak-ku pisułapkun itingitługu, aglaan tuyugırıma pisułhagun. ³¹ Uvapkuiñaq uqaqsıǵıguma, iñuich ukpiğıyumiñaitchaat ilumutuunilugu. ³² Aglaan ittuq uqautigiriga, uqaqtuaq ilumutun uvapkun. ³³ Ilipsi tuyuqaqapsi iñuñ-nik kańqsiuqtuksranik John-mun Paptaaqtitchirimun, ilaan uqautigaasri taavrumuuna ilumutuuruamik. ³⁴ Iñuñmik ilisimariqaǵnanǵitchaluaqļuna, aglaan taamna nipliutigigiga ilipsi anniqsuqplusri. ³⁵ John atriqaqtuaq nannimik ikimaruamik qaummaǵiksipługu, ilipsipsuuq sivikitchuami taimani quviagigiksi qaumagikkaja. ³⁶ Aglaansuli uvapkun piqaqtuña ili-simarimik kamanatluktuamik John-ı̄um ilisimaraulhaniñunniñ, makua savaat iñiqtąǵıkkagma, Aapaa qaisajin̄ savaağitqupluginch itqanaiğlugich tamatkua nalupqinaiqrsruǵaat Aapamun tuyuğılıǵa. ³⁷ Aapauruaqtuuq tuyuqaqtuaq uvajnik uqaqtuq tamarrumuuna, ilipsi tusraangıaqsımaıtcha-luağıksi nipaa unniñ kigińaqa qiniğlugu. ³⁸ Ilipsi uqauttutai piginítługich unniñ ukpiğıngitługu taamna tuyugıkkaja. ³⁹ Ilisaágıgisi uqałhich aglausimaruat iñuułigmik isruitchuamik paqitchiñasugiplusri. Tamarra tamatkua uqautiqaqtuat uvapkun, ⁴⁰ aglaan piyummataıtchusri uvajnun utlautisrugi-sri aasrii piññagusrı iñuułigmik uvapkun.

⁴¹ “Nańgaqsıułiksraq iñuñniñ qiniğniaǵagingıtchiga. ⁴² Aglaan ilisimagiksi, suutnaǵingıtchiksi piqpaksrılıq suvaluk Agaayyutim piq-

paktaja. ⁴³ Aggiqsuña Aapaa aŋalatchisaagun aasii akuqtungitchipsitňa. Naagasuli iňuk kiňa aggiqpan iňmi saňjimigun, ilipsi akuqtugniağıksi. ⁴⁴ Ilipsi nangautisruuruani avatmun aasriiň suliqutigingitchiksi nan-ǵausriaksraqsi Agaayyutmiň kisianiň. Qanuğusrimi ukpiqsriňiaqpisi? ⁴⁵ Isrummatiginagu uvaŋnun patchisiquitigisiňilusri Aapaanun. Moses-ňum patchitri sagviummigaa, taimňaami Moses ilipsi tunňavigikkaqsi. ⁴⁶ Iľumun ukpiġiniġupsiuŋ Moses, tunňaviginayaqmigipsitňa ukpiġiluňa takku ilaan aglaktigun uqautigigaňa. ⁴⁷ Aglaan aglaaġikkanjı ukpiġingit-ňapsigik, qanuğusri ukpiqsrigisivisi uvaňa uqałimnik?”

Jesus-ňum Niġipchaiľha 5,000 Aŋutinik

6 ¹ Taavruma aquagun Jesus ikaaŋarauq taagatchiajanun narvan-yan Galilee-m. Taamna narvaq taggisiqaqmiuq Tiberias-mik. ² Iňugiallapiaqtuat malilgiňniġaat, atakkii iliŋisa qiniqlugich quviq-naqtuat savaanje iľuaqsiraġaiľkun atniġňaqtuanik. ³ Jesus qimiġaamun mayuqhuni, aqvinniqsuq maliguaqtinilu. ⁴ Jew-ŋuruat niġiqpagvikaanat taggisiqaqtaq Apqusraaqtitauliġmik tarani qalliniqiſuq.

⁵ Jesus qiniqlugich iňugiallapiaqtuat iňuich utlautiruat ijmíňun nipliutiniġaa Philip, “Nakiň tauqsiġayaqpisa niġisuiġutiksrajetnik ukua iňuich?” ⁶ Taavruminjaguuq nipliutiniġaa Philip wuktuaqlugu, Jesus-ňum ilisimaanik-kaluaqlugu suliksrani. ⁷ Philip-ňum kiunigaa, “Malġuk kavluutik akiaknik naamayumiňaitchut qaqqiaqsisigisäġuptigik iňullaa mikiruoramikunniň niġiyumiňaqsilugu.” ⁸ Maliguaqtit ilaŋata, Andrew, Simon Peter-m aniqataa, nipliqsuq, ⁹ “Uvvauvani nukatpiägruk piqägniqsuq tallimanik qaqqururanik barley-nik suli qaluuraajnik. Aglaan suugisivat taapkua itna iňugiaktigiruam iňuňmi?” ¹⁰ Jesus nipliutigai, “Iňuich aqvuititchigik.” Ivigaanļupluniguuq tamanna. Iňuk iluqani aqvinniqsuq. Aŋutihiňat 5,000-siuyjnaq.

¹¹ Jesus-ňum qaqqiaq tigu'amiuŋ, Agaayyun quyanigaa agaayupluni, au-taaġutaupluniasrii iňuňnun aqappiruanun. Taatnatunsuli iňiqtaqägniqsuq qalukkun. Aasrii iluqatinj nigiňiqsut pisuigataqhutinj. ¹² Niġisuiġġakmata, Jesus nipliutigai maliguaqtini, “Iłakupayaat katitchigik aasrii iksisruŋaqsri.” ¹³ Katitchi'amiň, immiġnīgaich qulit malġuŋnik aguupmaich iłakuatnik tallimaniň barley-niň qaqquraniň iňuich niġġivigikkajatniň. ¹⁴ Iňuich qiniqamitruj quviqnaqtaq savaaq Jesus-ňum iňiqtanjı nipliġniqsut, “Iľumutun una ilaanuniqsuq. Tarra sivuniksriqirauniqsuq aggiqsuksrautauruaq nunam iňuiňun.” ¹⁵ Jesus-ňum kaŋijsiňigaa iňuňnun umialiguqtinniaľiksranı nunuriļuni. Taatnaqhuni unitļugich aullaumiugallaŋijsuq qimiġaanun kisimi.

Jesus-ňum Pisruľha Imġum Qaaŋagun

¹⁶ Unnuksraaqman maliguaqtai narvamun utlautiniqsut. ¹⁷ Umiamun iki'amiň utiaqsiňiqsut Capernaum-mun ikaaqlugu narvaq. Unnuaqman

Jesus-ŋum utlanğıññigaisuli. ¹⁸ Anuġiġuutiqpauraġniġai qailġuutiplugich. ¹⁹ Maliguaqtit iputlutij piñasrunik naagaqaa sisamanik mile-lanik iglia-nigmiullu, qīñiaqsiñiġaat Jesus pisruktaq imiġmi qalliruaq umiamun. Aasrii ilijich iqsitchallapiaġniqsut. ²⁰ Jesus-ŋum nipliutinigai, “Iqsiñasri! Uvaŋjauruja.” ²¹ Taapkua ikiyumaliqsiapiaġniġaat, aasrii ikipman taim-maiñaq umiam tikiñjaniktiġniga sivuniġikkani.

Jesus-ŋum Qaqqianjuħha Iñuuħiġmi

²² Uvlutqikman iñuich iñugiaktuat aullanġitchuat tamaaniajanjiñ narvam, iłiħtchugiñigaat atausrisualuk umiaq taraniitilaajanik. Jesus aullaqataungiħha maliguqaqtimigun suli itqaġiniġaat kisimiż maliguqaqtaiñ aullaħħat. ²³ Atlat umiat Tiberias-miñ tulaagaqsiñiqsut qanijanun niġiġpagviata Atangħuruaq agaayutrianikman. ²⁴ Iñugiaktuat kaqqiṣima'amitruj Jesus taraniingiħha unniżżeen maliguqaqtai, umianun ikiplutij Capernaum-mun aullaġniqsut pakaklugu. ²⁵ Narvam igħluani iñuich Jesus paqitnamitruj, nipliutiniġaat, “Ilisautri! Qaġaaglaan maujaqqpich?” ²⁶ Jesus-ŋum kiugai, “Iłumutuullapiqtauamik nipliutigipsi, paqitkipsitħa takku niġiħlapsigun qaqqiamik pisuiġataqħusri piqutigitlusrujaq nagħiġi qīñikkasri quviqnaqtuat savaatka sajnjiġikkapkun. ²⁷ Sakuugutiqqaqasri niqimik piungiċqsaquamik aglaan sakuugutiqqaġitchi niqimun ittuaksramun isruitchuamun iñuuħiġmun. Taamna niqi Iñuum Igħnijan qaitkisigaa ilipsitnun, takku Agaayyutim Aapam nalunaiqsägħigħa iħlaġikkauħha-għad Ilaa.” ²⁸ Tamatkua apiqsrugaat, “Suruksrauvisa savaaqaqnaġħupta Agaayyutim savaaġiñiġik?” ²⁹ Jesus kiugai, “Uvva savaaq savaaqitqukkha ja Agaayyutim ilipsitnun, ukpiqsrítqugaasri ilanik tuyuġġikkagħmiñ.” ³⁰ Tamatkua kiugaat, “Sumik qīñikkigħayaqpisigut quviqnaqtuamik sajnijipkun, uvagħut qīñiġluq ukpiqsrítħasriluta ilipnik. Sumik iñiqtaqqaġġayaqpitch? ³¹ Sivulliavut nigħimarut taiyuutiliżżeem Manna-mik qaqqumik pakmakjaqtamik suviksrai laami atriplu uqautigħamaruaq iż-żejjant uqaġiġmi, itna, ‘Ilaan qaitchigai qaqqumik niqiksraħa tħalli pakmakja.’” ³² Jesus nipliċsuq, “Iłumun nipliutigipsi, taimħa Moses niqqaqtitchiruq ilipsitniż pakmakja timiħiñamun ittuamik, taiyuutiliżżeem Manna-mik. Uvvaagħlaan Aapaa qaitchigaasri iñuunaqtuamik iłumutuuruamik niqiksramik pakmakja qilajji miñ. ³³ Uvvatakku niqiksraq Agaayyutim qaisa ja ilaañruq atqaqtuaq pakmakja iñuuħiġmik qaitchipluni nunam iñuiñun.” ³⁴ Tamatkua nipliutiniġaat, “Ataramik qaitchisigut taavrumejha niqiksramik.”

³⁵ Jesus-ŋum nipliutigai, “Uvaż-za atrigiga ja qaqqiam niqiksraħuam timikun, uvaż-za karnejgiga ja iñuutlasri ħiġi sħarr iñuutħiġ. Iñu utlau-tiruaq uvaż-żonni niġiġi l-ixxu tħalli qall-ixxu. Suli ukpiqsriruaq uvapku imiġultqikkumi iñātħiġ. ³⁶ Aglaan uvaż-za uqautianikkipsi arguaqtu l-ħap-

sigun, takku ilipsi qiniqaluaqluja savaagikkapkun ukpiqsrisungitchusri. ³⁷Kiñapayaaq Aapaa qaisaŋa uvaŋnun utlautigisiruq. Aasrii kiñapayaaq uvaŋnun utlautiruaq saqitchumiñaitchiga. ³⁸Takku atqaqtuja pakmak-ja tuyugirima pitqutigikkaja iñiqtaqityaqługu, pisułlapkuungitchuaq. ³⁹Uvvauna pisułigigaa tuyugirim uvamnik tammaıtqungiliksraǵa nalliat-nikunniñ qaisaqianikkajniñ uvaŋnun aglaan iluqaisa aŋitqiksillugich iñuulığmun uvlumi aqullığmi. ⁴⁰Uvvauna Aapaa pisułigigaa iluqatij qiniqtuat iğñiguruamik suli ukpiqsiruat ilaaniq piqałiksraǵat isruitchua-mik iñuulığmik aasrii uvaŋa makitkisiplugich iñuulığmun aqullığmi uvlumi.”

⁴¹Jew-ŋjuruat uqapiłuuutigiaqsiñigaat ilaan nipliḥagun, itna, “Uvanya niqiksrauruja atqaqtuaq pakmak-ja.” ⁴²Ilijich nipliğniqsut, “Jesus-ŋungitpauna, Joseph-ŋum iğñija? Uvagut ilisimagivut aapanjalu aakaŋalu. Qanuhunimi nipliava atqağnipłuni pakmak-ja?” ⁴³Jesus kiugai, “Uqapiługuiqitchi! ⁴⁴Kiñaunniñ uvaŋnun utlautilguitchuq kisanik Aapauruam tuyugirima uvaŋnun utlautipkaqmani. Aasrii uvaŋa aŋitqik-sitkisigiga iñuulığmun uvlumi aqullığmi. ⁴⁵Sivuniksriqirit aglausimaruat, ‘Agaayyutim iñupayaat ilisautigisigai.’ Kisupayaaq naalağniruaq Aapamik suli iłitchiyumaruaq Ilaaniñ utlautiraqtuq uvaŋnun. ⁴⁶Kia-unniñ qiniq-simaitchaa Aapa, aglaan kisimi Agaayyutmiqnisaruam qiniqsimaga Aapa. ⁴⁷Iłumutuuruamik nipliutigipsi, kiñapayaaq ukpiqsiruaq isruit-chuamik iñuulıqqaqtuq. ⁴⁸Uvanya qaqqiaŋjuruja iñuunaqtuaq. ⁴⁹Ilipsi sivulliasri niğimaŋjaqmiň pakmakjaktamik qaqqumik suviksraiłaami tuqurut timimikkun. ⁵⁰Aglaan qaqqiaq atqaqtuaq pakmak-ja itniittuq, kiapayaaq niğikpagu tuquyumiñaitchuq. ⁵¹Uvanya iñuunaqtuaq qaqqiaq atqaqtuaq pakmak-ja. Kiñapayaaq iñuk niğigumi taavrumak-ja qaqqia-miň iñuugisiruq taimuja, aasrii timiga qaqqiaŋjuruq qaisaksraǵikkaǵa nunam iñui iñuutlasitquplugich.”

⁵²Taatnaqman Jew-ŋjuruat uqaatchagutiniqsut iñmiknun aasrii apiqsruqługu, “Qanuğuni uuma iñuum timimiňik niqiksriñňiaqpatigut?” ⁵³Jesus-ŋum kiugai, “Iłumutuuruamik nipliutigipsi, ilipsi niğiñgitchupsiuŋ timaa Iğñinjan piqagumiñaitchusri iñuulığmik ilipsit-ni. ⁵⁴Kiñapayaaq niqiniktuaq timimnik suli iminiktuaq augikkamnik isruitchuamik iñuulıñňaktaqtuq, aasrii aŋitqiksitkisigiga iñuulığmun aqullığmi uvlumi. ⁵⁵Uvvatakku timiga iłumun niqiksrauruq, suli auga iłumun imiksrauruq. ⁵⁶Kisupayaaq niqiqaqtaq timimnik suli imiqaq-tuaq augikkamnik iñuuruq uvapkun suli iñuugisipluni piqasriutiluni uvaŋni. ⁵⁷Iñuuruam Aapam tuyugipluja, suli uvaŋaptuuq iñuuruja ilaagun, taatnatuntuuq kiňa niqiqaqtaq uvamnik iñuugisipmiuq uvapkun. ⁵⁸Iñuum taamna qaqqiaq niqigigumiuj iñuugisiruq qaŋavak taimuja. Taamnauruja qaqqiaq atqaqtuaq pakmak-ja atricingisaŋa qaqqiam sivul-

liapsi niğitchanat, naagaunniñ tuquplutiq." ⁵⁹Taatnağnígai Jesus-ŋum ilisautriñigmiñi katrağvíjmi Capernaum-mi.

Uqałhich Isuitchuakun Iñułikun

⁶⁰Iñugiaktuat maliğuaqtaiñ tusraaplugu nipliğníqsut, "Taamna ilisattun akuqtułiksraja sakiqnaqtuq. Kia naalağnígisivaun?"

⁶¹Uqautigaluaqtitnaniguuq, Jesus-ŋum kańqsimapmitchanji maliğuaqtini uqapiłuktuat tamarrumuuna uqağıkkägmigun. Taatnaqlugich nipliutinígai, "Taavruma nipim piyummataiqsitkaqsivasri? ⁶²Isrummatigisriuq qiniłiksraja Igñijan Iñuum utiaqsikpan sivuani irvigimakkağmíñun. Taatnaqsikpan nikaliğukkayağníqpsi? ⁶³Ipqitchuaq Irrusriq iñuułiqaqtitchiruaqjuruq. Timi iñuułiqaqtitchiñgitchuq. Uqałhich ilipsitñun uqautigianikkatka Irrusriurut, suli iñuupkağısıpiägaasri. ⁶⁴Naagauvva ilapsi ukpiğingítchaich," Jesus-ŋum taatnağnígai. Ilisimaplugu aullağníisiağataħhaniñ kisuulhat ukpiqsriñgitchuaq suli kisuugisiħha tuniriksrağmi. ⁶⁵Aasrii nipliğníqsuq. "Taavrumiña piqusriqługu uqautigipsi, kiaunniiñ utlautiyumiñaiħha uvajnun kisianik Aapam utlautipkaqpani taatnatlasrı̄lugu."

⁶⁶Taavruma aquagun iñugiaktuat maliğuaqtai kiñumuaktut malitqikkummataiqługu ilaa. ⁶⁷Taatnaqhuni Jesus nipliutiniğai qulit malguk maliğuaqtini, "Ilipsipsuuq kiñumuakkumanägitchaluaqmvisi?" ⁶⁸Simon Peter-m kiuniğaa, "Ii, Ataniiq, kimunmi aullağísivisa? Ilvich pigigitin uqałhich isruitchuamik iñuunaqtuat. ⁶⁹Pakma ukpiğigikput ilitchuqiplugu ipqitchuanjutilaan Agaayyutmıqnisauplutin." ⁷⁰Jesus kiugai, "Ilipsi qulit malguuplusri piksraqtaağingítpisimi? Aglaan iları Tuungäqmıqnisauruq." ⁷¹Ilaanguuq uqautiginigaa Judas, igñija Simon Iscariot-ŋum. Uvvatakku Judas qulit malguuqataugaluaqhuni, tunisiyumaniqsuq Jesus-mik.

Jesus-lu Aniqataiļu

7 ¹Tamarruma kiñuagun Jesus igliğniqsuq Galilee-mi, igliğummatai-laqhuni Judea-mi, atakkii Jew-ŋuruat tuqqutchukługu. ²Jew-ŋuruat niqiłpagvikaañata Palapkaat tikiyasriruq. ³Uvvaasriiñ Jesus-ŋum nukatchiajiñ ajutit nipliutiniğaat, "Unillugu mannaaq, aullağíñ Judeamun, ilvilli maliğuaqtivich taamani qiniğumigaat savaaq iñiqtägikkan. ⁴Kiñauñniñ iriqsimatlaitchuq savaağmigun ilisimatqullapiaqami. Ilvich iñiqtäqaqtuami tamatkuniña, iluqaitñun iñuñun ilitchuqipa-kağiñ." ⁵Taatnağnígaat nukatchiajiunniñ ukpiqsriñgitlütiñ Ilaanik. ⁶Jesus nipliutigai, "Piviksraġa nalaullugu tikiumangítchuqsuli. Ilipsi aullaħiñaaļjurusri sumipayaaq. ⁷Nunam iñuiñ uumigikkağingítchaa-sri uvaptun, atakkii uvaja uqausrimaplugich iñuuniħhat pigiħħagun.

⁸ Ilipsi niqiqpagvikaanukkitchi. Aullangitchuña pakma atakkii aullağ-viksraǵa tikiumanǵitchuqsuli.” ⁹Taatna uqautilǵaaqlıgich Galilee-mi ittuallaqniqsuqsuli.

Jesus Niqiqpagvikaajani Palapkaatit

¹⁰Aquagun nukatchiani niqiqpagvikaanuanikmata, Jesus-tuuq aullağniqsuq sagviaqtusruňaqani iñuňnun, aglaan nalunautchipluni. ¹¹Jew-ŋjuruat qiniňgriaǵaluagnigaat niqiqpagvikaajani itnaqhutinj, “Naamiimma taimña?” ¹²Iñuich atqunaq uqaksraqtuniqsut Ilaagun, ilańjich uqaqhutinj iñullautauniplugu aasriiļu ilańjich uqaqhutinj pigiňníplugu kinnitňiňniplugu iñuňnik. ¹³Aglaan kia-unniň uqaksraqtutigingiňnígaa sagvíglugu, atakkii iqsiplutinj Jew-ŋjuruat sivulliuqtinik.

Jesus Iłisautriňha Niqiqpagvikaajani

¹⁴Niqiqpagvikaajata avvaja atuumaanikman, Jesus utlautiniqsuq Jew-ŋjuruat agaayyuvikpajectnun aasriiň iłisautriqsipluni. ¹⁵Jew-ŋjuruat atqunaq quvígutchaňniqsut nipliqhutinj, “Qanuqhuni una iñuk iłisimaniqpa apai, iłisaqsimaitchaluahuni?” ¹⁶Jesus kiugai, “Iłisauttutiga uvamniqnisauňgitchuq aglaan Agaayyutmiň tuyugirimiň. ¹⁷Kisupayaam piyummataqágumi maliguglugu Agaayyutim pisuľha iłisimatlagisigaa iłisauttutma Agaayyutiqniqsaukmagaan naagaqaa uvamniqnisaukmagaan. ¹⁸Iñuk nipiqaqtuaq iñmiguhiňaç piňnaňniaǵaqtuq kamagitchiułiksraǵmiňik. Aglaan taamna kamanaqtitchiruaq tuyugirimiňik iłumutuuruq, ilaani piitchuq tanığılıaaq. ¹⁹Moses-ŋumliumaa qaitchitchajasri maliǵutaksranik? Aglaan nallipsiunniiň maliǵutaksrapayaaq tupigingitčhaa. Suvaata tuqqutchumavisitňa?” ²⁰Iñugiaktuat kiugaat, “Ilvich tuunǵaqtaqaqtutin! Kia tuqqutchukpatin?” ²¹Jesus kiugai, “Atautchimik quvíqnaqtuamik savaaqaqama, iluqasri quvígusruutigiksi. ²²Moses-ŋum tilińigaasri iğńaurasri nalunaitjutchiqtoplugich. Nalunaitjutchiqsauviksrajet nukatpiągruich uvluq nalaurrutipman minguiqsiágvymun nalunaitjutchiqsuurusrı minguiqsiágvymı. Uvvasuli, taamna tillisiň aullağniiňgitchaluaqmıuq Moses-miň aglaan sivulliapsitniň ilaan sivuani. ²³Nukatpiągruk nalunaitjutchikkautlanıqpan Jew-ŋjuruat minguiqsiágviatni, Moses-ŋum maliǵutaksraja navigungillugu, suvaatami uumisuutivisitňa iñuňmik iluaqsiplakaiňipluna Jew-ŋjuruat minguiqsiágviatni? ²⁴Atanniqsuiňasri sagvirautiguhiňaç qiniňaĺhiňakun aglaan atanniqsuisitchi nalaunęjaruakun.”

Jesus Christ-ŋjuva?

²⁵Jerusalem-miut ilańjich nipliǵniqsut, “Imňauňgitchaluaqpa iñuk ipchua tuqqutchukkajet? ²⁶Aasrii maaniittuq! Ilaa uqautriruq sag-

viqhuni. Naagauvva nalliatunniñ akitñanġitchaat. Ipchua sivulliuqtit kaŋiqsiñgitchaluaqpatruj Christ-ŋuniługu? ²⁷ Aglaan Christ aggiqpan, kia-unniñ ilisimayumiñaitchaa nakitñaqtaulha. Naagauvva ilisima-gikput uuma iñuum kisuŋnik aŋayuqaaqałha.” ²⁸ Jesus ilisautriñigmiñi Jew-ŋuruat agaayyuvikpaŋatni nipliğniqsuq nipiṭusripluni, “Ilipsi ilitchigipiaġaluaqpisitña? Kanjiqsisiviuŋ nakitñaqtaulaaġa? Uvaŋa agginġitchuŋa uvapkuiñaq, aglaan tuyuġiriga ilumutuuruq. Ilipsi nalugiksi. ²⁹ Aglaan ilisimagiga atakkii Ilaaniñ aggiqluŋa, aasriiñ Ilaan tuyuġipluna.” ³⁰ Tamatkuaguuq iñuich tiguyumagaluaġnígaat, aglaan kia-unniñ tigungiñigaa takku Ilaan tigukkauviksraŋa tikitmanġiłuni. ³¹ Iñugiakpauraqtuat ukpiqsriñiqsut Ilaanik, aasrii nipliħutij, “Taimña Christ aggiġumi, quviqnatluktuanik savaanik iñiqtaqaqisiva uuma iñuum iñiqtajniñ?”

Tigurit Tiliraurut Tigutquplugu Jesus

³² Pharisee-ŋuruat tusraa’amisigik, iñugiaktuat isivruağutiqaqtuat ilaanik, ilijich piqasriħutij qauklinjich agaayuliqsinik tuyuqägniq-sut qaunaksrinik tigutaaqplugu Jesus. ³³ Jesus nipliğniqsuq, “Uvaŋa nayuqtaullapsaaġaluağupsi aullaġisiruŋa Ilaanun tuyuġirimnun. ³⁴ Ilipsi pakiaqsigisigisitña, aglaan paqitchumiñaitchipsitña, aasriiñ irviksram-nun tikitchumiñaitchusri.” ³⁵ Taatnaqman Jew-ŋuruat uqaaqsilgiñniqsut ijmiknun, “Napmuŋniaqpa una iñuk uvaptiknun paqitchumiñaġni-va? Ilaa aullaġniaqpa Jew-ŋungitchuat nunaqqiatnun, Jew-ŋuruat iñuuniaġviatnun ilisautityaġlugini Jew-ŋungitchuat? ³⁶ Uvvatakku nipliqsuq, ‘Ilipsi pakikkisigaluaġipsitña, aglaan paqitchumiñaitchip-sitña.’ Nipliqsuqsuli, ‘Irviksramnun tikitchumiñaitchusri.’ Qanuqpami taatnaqami?”

Kuuŋi Iñuunaqtuam Imġum

³⁷ Niġiġpagvikaam uvluu aquqliq nuimatluktauŋuniqsuq. Taavrumani uvumi Jesus qichaqhuni nipliğniqsuq nipiṭusripluni, “Kisupayaaq imi-ġukkumi utlautiluni uvajnun imiġli. ³⁸ Atrilugu aglausimaruat uqałhich, itna, ‘Kiñapayaaq ukpiqsriqpan uvapkun imġa suvliktuağuġniaqtuq siłatmun uummataaniñ.’” ³⁹ Taatnailiplugu Jesus-ŋum uqautiġini-ġaa Ipqitchuaq Irrusriq akuqtuġniakkaŋat ukpiqsriruat ilaanik. Tarani taatnaħħani Ipqitchuaq Irrusriq aatchuutaumaitħunisuli, takku Jesus utiġ-simaiħtunisuli pakmuja qīlaġmūn.

Atingirrun Iñuŋji

⁴⁰ Iñugiaktuam iñuum tusraa’amitruj Jesus-ŋum uqałhi nipliğniqsut, “Una tarra iñuk ilumun taimña sivuniksriqiraupiaqtuq!” ⁴¹ Ilaŋilli nip-

lianiqsut, "Christ-ŋuruq (itnautauruamik Anniqsuqtimik)." Aglaali atlat itnaġniqsut, "Christ aggigumiñaitchuq Galilee-miñ." ⁴² Agaayutim uqał-hich aglausimaruat itnaqtut Christ kiñuviaġigisiñiplugu David-mun, suli anigisiñiplugu Bethlehem-mi nunaaqqiani David-ŋum." ⁴³ Taatnaqhutin iglūgiksinniqsut iñugiaktuat piqusriqhutij ilaanik. ⁴⁴ Ilañisa tiguyumaga-luaġniġaat aglaan kia-unniñ tigungiññigaa.

Ukpiqsriñġiħat Jew-ŋuruat Qaukliiħ

⁴⁵ Qaunaksrit utiġniqsut qaukliiħich agaayuliqsinun suli Pharisee-ŋuruuanun. Taapkua apiqsruġniġaich, "Suvaata uvuġautingitpisiu?" ⁴⁶ Qaunaksrit kiuniġaich, "Uvagut tusraavaaluktugt iñuġimik taatna uqalgutigiruamik." ⁴⁷ Pharisee-ŋuruat niplilgiññiqsut, "Ilipsi kinnip-changħitchaluaqpisi? ⁴⁸ Ilitchuġimaitpisiu nallata sivulliuqtipsa suli Pharisee-ŋuruat ukpiqsriñġiħat Ilaanik? ⁴⁹ Aglaan iñugaagaraħi kisimiż ukpiġigaat. Tamatkua iñuich kajniqsimmataitchut maliġutaksranik Moses-kun. Taatnaqhutin suksraungiqsauyumaaqtut." ⁵⁰ Nicodemus-guuq il-auniqsuq taapkunani qaukliġni suli Pharisee-ŋuruani. Taamna qiniġiaqtuaq Jesus-mik sivuani, aasrii nipliġniqsuq, ⁵¹ "Maliġutaksraġikkaptigun atanniipkatlaitchaatigut iñuġimik tusraagaluaqnagu naagaqaa il-it-chuġigaluqaqnagu sumik pisilaaja." ⁵² Taapkua il-aiñ kiuniġaat, "Uvva, Galilee-ġmiu ġejupmivich? Ilitchuġimaiñniqpiu uqaħħich aglausimaruat? Ilisäglugħich aasriiñ kajniqsigiñ sivuniksriqirit aggħiġaqsimaiħħat Galilee-miñ."

Aġnam Ajukkauħha Sayuņalikun

⁵³ [Tarani iluqatiż ajiлаaġniqsut,

8 ¹agħali Jesus utlautiniqsuq iñġiuramun atiliżżejj mun Olives-mik.
² Uvlaakuagun uvlaatchaurami Jesus utlautilgiññiqsuq Jew-ŋuruat agaayyuvikpa jaqtun. Iñuich iñugiakpauraqtuat kattivigilgiññiġaat. Aasrii aquvitluni il-isautiaq silgiññiġai. ³ Agħaliqirit suli Pharisee-ŋuruat tikiutiřiñiqsut aġnamik ajukkauruamik sayuņalikun aasrii iluqaisa sivuġaatnun qichaqtitlugu. ⁴ Jesus-mun nipliġniqsut, "Iļlisautri! Una aġnaq ajukkauruq sayuņalikun. ⁵ Uvagut maliġutaksriusriaptikni Moses-ŋum tillisiqakka jaqtugt taatnasriq aġnaq iyāgaġnik miluqtug-lugu tuqqutaksrauplugu. Qanuġli una aġnaq nipliutiginayaqpiu?" ⁶ Taatnaġniġaat Jesus pitchaqħluq il-jiex piqaġukkaluaqhutij agvisiksramik. Aglaan Jesus sikitluni nunamun aglaġniqsuq argajnejniż. ⁷ Taapkua apiqsruqtatuiñaqsimapta, Jesus qichaqhuni nipliutiniġai, "Nallipsi killuqsaqsimaitchuam sivulliuluni iyāgaġnik mi luqsaqqaq- liu." ⁸ Taatnaqqaaqħuni sikitluni nunamun aglaqsiłgiññiqsuq. ⁹ Taamna tusraa' amitru, taapkua iluqatiż aullaġniqsut atausriuttaaqħutij aullaġ-

niiplutinj utuqqautluunijigmikniñ, Jesus kisiñjuqługu añaqglu qichaqtuaq tarani. ¹⁰Qichatqikhuni nipliutiniġaa añaq, “Naamiimma taipchua? Nallataunniiñ tuqqutaksraġuġnivatin?” ¹¹Agnam kiunigaa, “Ii, Ajenun! Nalliatnik israaqtaitchuja.” Jesus nipliutigaa, “Uvañaptuuq tuqqutaksraġuġumiñaitchikpiñ. Aullaħhiñaağuqtutin aglaan killuqsatqisrujaqnak!”]

Jesus Qaumman Nunam Iñuiñun

¹²Jesus-ŋum iñuich nipliutiqiñiġai, “Qaumaksrauruja nunam iñuiñun. Kisupayaam malikkumiña, qaumamik iñuunaqtuamik piñňakkisiruq. Taatnaguni iñuuniyatqikkumiñaitchuq taaqtuakun.” ¹³Pharisee-ŋuruat kiuniġaat, “Ilvich ilisimarriqsamarutin ilipniħhiñaq, taatnaqługu iłumutuugilguitchikput. Sumun atuġumiñaitchuq taamna.” ¹⁴Jesus kiugai, “Taatniingħitchuq. Uqautigigaluaññaġma uvamnik, nipliutipayaġa iłumutuuruq, takku ilisimagiga nakitħnaqtawilaġa suli napmun aullaġniaqtilaġa. Ilipsi ilisimanġitchiksi nakiñ aggisilaġa unniñ napmuġġnejaqtilaġa. ¹⁵Ilipsi atanniqsuraqtusri iñuħiħaulikun, atan-niġviägħautaitchuja kimun-unniñ. ¹⁶Aglaan atanniiruksrauniġuma atanniutiksraġa iłumutuuniaqtuq, takku tamarrumuuna kisima inġiċ-čuha, aglaan Aaparuam tuyugirima piqasriqsuġaaja. ¹⁷Aglausimaruq maligutaksriusriapsitni malġuulutik ilisimarrik atikpaknik uqautaak iłumutuuginiplugu. ¹⁸Uvaja uvamnik ilisimarriqsimaaqtuja suli Aapam tuyugirima ilisimarriqsimaqmigaaja.” ¹⁹Tamatkua apiqsruġ-niġaat, “Naami aapagikk?” Jesus kiugai, “Nalugiptiguk Aapagalu. Ilisimanġupsitni, Aapagaptuuq ilisimanayaġiksi.” ²⁰Jesus-ŋum taatnaġiġai tarani Jew-ŋuruat agaayyuvikpaġatni iliraqaqġiviplugu pivigikkaġatni. Aglaan nallataunniiñ tigungiñniġaa, takku tuqqutauvik-sraja tikiumanġiṭluni.

Jesus-ŋum Iłumutuuruuaġuħha

²¹Jesus nipliutiqiñiġai, “Uvaña aullaqsażġumaru ja. Pakiaqsigisiglu aqġipsitni, aglaan tuqgisirusri killuunijapsi nat-qiguttusriaqanġitchupsi. Atla jundu illusri, aullal guyumiñaitchusri aullaġviniak kamnun.” ²²Jew-ŋuruat nipliġniqsut, “Qanuqpa una, naaga iż-żejjix tuqunniaqpa? Takku nipliqsuq, ‘Aullaġumiñaitchusri aullaġviniak kamnun.’” ²³Jesus kiugai, “Ilipsi maakjaqtaturu-sri, aglaan pakmakjaqtaturu ja. Ilipsi aggisaujurusri marrumakja nunamiñ, aglaan nunamiqnisauġġitchuja. ²⁴Taatnaqħusri uqautigipsi killuliqiraunijapsi tuqgisiñiplusri. Tuqgisipiaqtusri killuliqiraunijapsi ukpiġingiġisuaġġpusiun ilaaqutilaġa.” ²⁵Taapkua apiqsruġ-niġaat, “Kisuuvichuvva?” Jesus kiugai, “Aullaġniisaqqaapiħħaniñ uqautigaluaġip-si kisutilaamnik. ²⁶Iñugiaktuatigun nipliġlu ja isilġiġumiñaqgaluaġipsi.

Uvaja niqiqaqtuña nunam iñuiñun tusraakkalhiñamnik Ilaaniñ tuyuğirimniñ ilumutuuruamiñ.”²⁷ Tamatkua kaniqsiñgiññigaat uqautrisilaaqtinq Agaayyutikun Aapauruakun.²⁸ Taatnaqługich Jesus nipliutilgiññigai, “Iñuum Igñija kivianikkupsiuñ, ilitchugipmilugulu pigisigiksi ilaajutilaaǵa, suli iñiqtaqaqtanǵılıǵa uvapkuiñaq aglaan niqiqaǵıǵa Aapam kisimi ilisattutaagun.²⁹ Aasrii tuyuǵiriga uvamni piqataruq, Ilaan kisivrip-changıtchaaja, takku ataramik quyalimaǵıǵa.”³⁰ Iñugiaktuat tusraaruat Jesus taatnaqman ukpiqsriñiçsut Ilaanik.

Qitunǵai Abraham

³¹ Taatnaqüğich Jesus nipliutiniǵai Jew-ŋjuruat ukpiqsriuat ilaanik, “Ilipsi ilisattutitka tupigituiñaǵupsigik sivutmun, ilumutun maliguaqtiginiaǵipsi.³² Ilumutuuruaq ilitchuginiaǵiksi, ilumutuułhum patchisaisitkisigaasri.”³³ Taapkua kiuniǵaat, “Uvagut Abraham-ŋjum kińuviaǵıǵaatigut. Kimununniñ savaktaağruumaıtchugut. Uvvami qanuqpich nipliqavich ‘patchisaisitkisigaasri’ itna?”³⁴ Jesus nipliutiniǵai, “Ilumutuuruamik nipliutigipsi, kińapayaqa killuqsaqtaqtuaq savaktaağruliutraqtuq killuǵmun.³⁵ Savaktaağrugli nayuutitlaitchuq aŋayuqaǵıńiń ataramik, aglaan iğniǵuruaq nayuutiraqtuq.³⁶ Ilipsi Agaayyutim Igñijan patchisaisitpasri, tarra nalupqinaitchuanik patchisaitkisirusri.³⁷ Ilisimagiga Abraham-mun kińuviaǵılıqsi, naagasuli tuqurviksraq-siugipsitña, takku akuqtuumanǵıtługu ilisattutiga.³⁸ Uqautiqaqtuña Aapama qiniqtitajanik uvamnun, aasriili iñiqtaqaǵaqtusri Aapapsitniń uqattusriapsitník.”

³⁹ Tamatkua kiuniǵaat, “Uvagut aapagigikput Abraham.” Jesus-ŋjum kiuniǵai, “Ilipsi ilumun Abraham-ŋjum qitunǵaqıkpasri, savaaqaqayaqtusri ilaatin.⁴⁰ Naagauvva tuqurviksraqsiugipsitña, uqautigaluqaqtılusri ilumutuuruamik tusraakkamnik Agaayyutmiń. Abraham taatnaqsi-maitchuq.⁴¹ Ilipsi savaaqaqtusri Aapagikkapsi savaaŋińik.” Tamatkua kiuniǵaat, “Uvagut aapailauŋungıtchugut. Aapa atasrıq pigigikput, Agaayyun ilaa.”

Qitunǵai Tuunǵaum

⁴² Jesus kiugai, “Agaayyutmik ilumun aapaqaǵupsi piqpaginayaǵıpsitña, takku aggıqsaujuruja Agaayyutmiń, aasrii pakma uvaniitluja aggıńgıtchuja uvapkuiñaq aglaan ilaan tuyuǵipluja.⁴³ Suvalta kaniq-sitıaitpsiuñ uqaǵıǵa? Ilipsi naalaǵniyummataqanǵıtchiksi uqattutiga.⁴⁴ Tuunǵaum aapagikkapsi qitunǵaqıplusri aasrii malıǵutchiyumaruaŋup-lusri aapagikkapsi kimmutaińik. Aullaǵniisaqqaapiałhanińaglaan ilaa tuqqutčiruaruq. Ilaa tapiqsuusrimaitchuq turjaanun ilumutuułhum ilaa piitłuni ilumutuuruamik iñimińi. Uqaqami saglumik iñiqtaqaǵaqtuq takku

sagluturuuanjupluni, sagluuqtuałipayaam aapagiplugu. ⁴⁵ Uvanya ilumuturuamik uqautigipsi, taatnaqhusri ukpigingitchipsitña. ⁴⁶ Kiñaunniñ niplilguitchuq uvapkun ilumutuğulgugu killuuruañuniļuña? Uvvami uqauti'apsi ilumutuuruamik, suvaata ukpiğisrunğitpitisitña? ⁴⁷ İñuum aggiqsuam Agaayyutmiñ naalağnígai Agaayyutim uqautai. Ilipsi agaayutiqniqsauńgitlusri naalağniyummataitchusri."

Jesus-lu Abraham-lu

⁴⁸ Jew-ŋuruat kiuniǵaat Jesus, "Uvagut nalauttugut nipliqapta ilvich Samaria-ǵmiuniplutin suli tuungaqtqaqhutin." ⁴⁹ Jesus kiuniǵai, "Uvanya tuungaqtqaqanǵitchuňa. Aapaga kamagikkaǵigiga aglaan kamak-kutaitchipsitña. ⁵⁰ Pakkiągınǵitchiga kamagikkaułiksraq uvapkuiňaq, aglaan atlam pakkiągigaa kamanaqttaułiksraqa, aasrii ilaa atanǵuruq. ⁵¹ Ilumutuuruamik nipliutigipsi, kisupayaam uqauttutitka tupigigumigich tuquyumiňaipiaqtuq." ⁵² Jew-ŋuruat kiuniǵaat, "Pakma nalupqigin-ǵigikput tuungaqtqaqalhiň. Abraham sivuniksriqirillu tuqumarut, naagasuli uqaqtutin, kisupayaam tupigikpagu uqauttutin tuquyumiňaipiaqniplugu. ⁵³ Uvagut sivulliaqput Abraham tuquaniksimaaqtaq sulipsuuq sivuniksriqiripayaatlu. Kamanatlukkumavich Abraham-miñ? Kisuuunasrukniaqpiňmiuvva ilvich?" ⁵⁴ Jesus kiugai, "Uvapkuiňaq kamak-kutiqąǵniaǵuma suutnauyumiňaitchuq. Aapamnik kamagiriqaqtuňa, taavrumiňa ilipsi Agaayyutiginitchapsitník. ⁵⁵ Aasriisuli ilı́tchuǵianiksimaitchiksi, aglaan uvanya ilisimagiga Agaayyun. Uqaǵuma Ilaa naluniługu sagluturuuañuniąqtuňa ilipsisun. Aglaan ilisimallapiąǵiga aasriiň uqałha tupigiplugu. ⁵⁶ Abraham-ŋum sivulliapsi ukpiqsrılıǵmigun kańiqsiplugu aggigisilıǵa nunamun quviatchautigikkaja suli qiniǵum-miuqługu taimňa uvluga. Arguaqqtaiłłapliaqługu aggigisilıǵa ilaa quviasruktuq." ⁵⁷ Jew-ŋuruat kiuniǵaat, "Malǵukipiaq qulinik ukiuniksimaitchutinsuli aasiň qiniqsimaniviuj Abraham?" ⁵⁸ Jesus kiugai, "Ilumutuuruamik nipliutigipsi, Sivuaniunniñ Abraham-ŋum aniłiksrajan, inńjaniktuňa." ⁵⁹ Tamatkua tigusriňiçosut iyaǵajnik miluqtuğukługu, aglaan Jesus iriǵniqsuq aasriiň anipluni Jew-ŋuruat agaayyuvikpanjatniñ.

Jesus-ŋum Iluaqsigaa Ajuun Ayaujaruaq Anilıǵmiňiňaglaan

9 ¹Jesus pisruksaalıǵmiňi qiniǵniqsuq ajutmik ayaujanıqsuamik aniłgatalıǵmiňiňaglaan. ²Malıǵuaqtaiň apiqsrugniǵaat, "Ilisautri! Kia killuqsautaan aniłhaniň ayaujapkaǵniqpań? Ilaa naagaqaa aja-yuqaakkiň killuqsautaaknik?" ³Jesus-ŋum kiugai, "Taavruma ayaujałha kańiqanǵitchuq ilaa killuqsałhanun unniň ajanuyaakkiň killuqsał-haknun. Ayaujaruq Agaayyutim sańjia qiniǵnaqtitquplugu ilaagun. ⁴Savaağıraksraigikput sivutmun piyumiňaǵnaptikni. Unnuaq tikiń-

ñiaqtuq, kia-unniñ savagvigiyumiñaisaşa. ⁵Uvana maani nunami innamni qaumaksrauruja nunam iñuiñun.” ⁶Taatnaanikami Jesus-ŋum tivvuqaqhuni nunamun akurrutinigaa maǵgamun, aasriiñ nanuklugik maǵgamik taavruma ajutim irrak, ⁷nipliutiplugu, “Aullaǵutin iǵǵuǵia-ǵuj kigiñan narvaurajanun Siloam.” (Taamnaguuq mumutiqaqtuaq Tuyuułigmik.) Taamna ajuŋ aullaqhuni, kigiñni iǵǵuǵiaqamiuŋ utiǵ- niqsuq qíñitlasripluni. ⁸Iñuuniaqataiñ suli tamatkua qíñiqtikaajin iñjularaupman apiqsruqtautiaqsiñiqsut, “Unauvva taimñaungitpa ajuŋ aquppipluni iñjulayuk?” ⁹Ilañisa taivrumiňaunigaat. Ilañilli nipliǵniqsut, “Qajaa! Taivrumiňaungitchuq, taatnatun qíññaqqaqsiňaqtuq.” Taamna ajuŋ iñjimiňik nipliǵniqsuq, “Taimñauruja.” ¹⁰Tamatkua apiqsruğnígaat, “Qanuqhutinmi qíñitlasripkakkauvich?” ¹¹Ilaan kiugai, “Iñuum atiqaq-tuam Jesus-mik irrakka maqatlamik nanuqqaaqlugik aasriiñ tiligaaja Siloam-mun iǵǵuǵiaqplugu kigiňaǵa. Tarra aullaqtuja, aasriiñ iǵǵuqsaǵ-luqqaaqtuja qíñitlasriruja.” ¹²Taapkua apiqsruğnígaat, “Naamimmami ilaa?” Kiuniǵai, “Naluruja.”

Pharisee-ŋuruat Apiqsruqtuǵaa Iłuaqsikkauruaq

¹³Tamatkua taamna ajuŋ qíñtlaisimaruuaq aullautiniǵaat Pharisee-ŋuruuanun. ¹⁴Tamannaguuq uvluq Jesus-ŋum maqatlamik nanuklugik ajutim irrak piňha qíñitlasritquplugu Jew-ŋuruat minguiqsiágviginígaat. ¹⁵Tarra Pharisee-ŋuruat apiqsrlugińniǵaat qanuqhuni qíñitlasripmaajaan. Aasrii uqautiniǵai, “Taivruma maqatlatiqlugik irrakka, iǵǵuqapku kigiňaǵa pakma qíñitlasriruja.” ¹⁶Pharisee-ŋuruatguuq ilańjich nipliǵniqsut, “Taimña iñuk taatnaiłiplugu iñiqtaqaqtuaq Agaayyutmiqnsaungińniqsuq, takku atuqtaksraq minguiqsiágvikun tupikkutaińigaa.” Atlatli nipliǵniqsut, “Qanuğunimi iñuk killuliqirauruaq iñiqtaqatlagisiva taatnatchińik quviqnaqtuamik savaanik?” Taapkua iglıgiiksinniqsut taavrumuuna. ¹⁷Pharisee-ŋuruat apiqsrtutqilgińniǵaat taamna ajuŋ, “Qanuǵli nipi- liutigitlanayaqpiuŋ ilaa qíñitlasripkaǵniplutin?” Taavruma kiuniǵai, “Sivuniksriqirauruq.”

¹⁸Jew-ŋuruat ukpiqqtipaǵumangińniǵaat qíñitlailıǵimińiñ qíñitlasriłha. Kiisaimma tuqluqpaich taavruma ajutim aŋayuqaak. ¹⁹Ilańisa apiqsruğ-niǵaič, “Una iǵńigivitchu? Nipliutigitlavitchu animaĺha ayauŋapluni? Qanuqhunimi qíñitlasriva pakma?” ²⁰Aŋayuqaakkiń kiuniǵaič, “Uvaguk ilisimagikpuk ilaa iǵńigikkaqpuk suli ilisimagikpuk aniǵiǵmińińaglaan ayauŋaĺha. ²¹Aglaan nalugikpuk qanuqhuni pakma qíñitlasriłha, naaga-qaa nalugikpuk kimun qíñitlasripchaĺha. Ilaa iñuguaniksimaqaqtuq suli kiggutitlasrimaaqtuq ijmińun. Apiqsruqtinqsiuŋ.” ²²Aŋayuqaanjuruak taatna nipliǵniqsuk iqskkutiqaqhutik Jew-ŋuruuanun, takku sivunnianik-simaaqtut kia iñuum nalupqinaıǵlugu uqaǵikpagu Jesus Christ-ŋunilugu

anitkisiplugu katraǵviymikniñ. ²³Taatnaqhutik taapkuak aŋayuqaaŋju-ruak niplig̊niqsuk, “Ilaa iñuguaniksamaruq, apiqsruqtaqsiuj!”


²⁴Tugliliq̊lugu tuqłulgıññigaat ijmiknun taimña aŋjun animaruuaq ayauŋapluni aasriiñ nipliutiplugu, “Agaayyutim sivuǵaani akiqsruqgiñ ilumutun uqaǵisiłapkun. Uvagut iłitchugigikput taimña uisitin killuli-qirauħha.” ²⁵Taavruma kiuniġai, “Ilaan qanusriuħha nalugiga. Atausriq ilisimagiga, uvaŋa ayauŋagaluaqtumi pakma qińitlasruruja.” ²⁶Taapkua apiqsrutqilgiññigaat, “Qanusriqaħħutin qińitlasripkaqpatin?” ²⁷Kiuniġai, “Uqautianikkaluagiipsi aglaan naalaǵnisungitħusri. Suvaatami tusraat-qiguaqsilg̊itpisiuj? Naaga maliġuaqsutijsrukpsi ilaanun?” ²⁸Tamatkua kiuniġaat uqaniġluutiplugu, “Ilvich taivrura maliġuaqtigiliutigaat. Uvagut Moses-ŋum pigigaatigut. ²⁹Ilisimagikput Agaayyutmun uqautruħha taimña Moses, aglaan nalugikput tamanna iñuk nakiñ aggisilaaja.” ³⁰Taavruma ajutim kiuniġai, “Atlayuágnarruqtugalukkut nalunikapsiuj naktñaqtauħħagun, aglaan qińitlasripkaġaana. ³¹Ilisimagikput, Agaayyutim naalaǵnitlaiħha killuuruanun, aglaan naalaǵniraġigai kamagirini suli tupiksriuat pisułiġmiñ. ³²Nunam aullaġniisaġataħħaniñ tusraaṅqasimaitchut iñuġmik qińitlasripkakkauruamik ayauŋapluni animaruamik. ³³Kisanik taimña iñuk aggisuaġġuluni Agaayyutmiñ pigumi avataagun sumik iñiqtaqalguyumiñaitmuq.” ³⁴Tamatkua kiguġluġniġaat, “Animagaluaqtutin killukun iñukkuksaŋuplutiñlu aglaan ilisautniagaqsivisigut?” Taatnaqqaaqħugu ilijisa aninniġaat katraǵviymiñ.

Irrutchikun Qińitlailauħiġ

³⁵Jesus tusraaniġaa ilaa aninniplugu. Paqitnamiuj nipliutiniġaa, “Ukpiġiviuj Igħnija Iñuum?” ³⁶Taavrura Jesus kiuniġaa, “Uqautiġħha kisuutilaajanik. Uvaŋali ukpiġiyumigiga ilaa.” ³⁷Jesus nipliutigaa, “Ilvich qińianiksimaġiñ, suli ilaajnuruq pakma uqaqatin.” ³⁸“Ataniiq! Uvaŋa ukpiġigikpiñ,” taamna niplig̊niqsuq, aasrii sitquqhuni sivuġaanun Jesus-ŋum. ³⁹Jesus niplig̊niqsuq, “Aggiġniqsu ja nunamun pisigiplugu atanniqsuiħksraq, ayauŋaruat qińitlasripkaġlugin, suli qińitlanasrugruuat ayaupkaġiaqħugħiċċi.” ⁴⁰Ilañisaguuq Pharisee-ŋuruat tarani ittuat tusraa’amtiru taatna nipliġman apiqsruġniġaat, “Uvaguttuuq qińitlaitchuaġġivisigut?” ⁴¹Jesus-ŋum kiugai, “Ilipsi qińitlaitchupsi killuutaiññiaġaluaqtusri, aglaan qińitlaruaġiplusri ilipsitñik killuutiqaġugaaqħusri.”

Atrikusraun Ipnaiqaqġvikun

10 ¹Ilumutuuruamik nipliutigipsi, “Iñuk isingħitchuaq ipnaiqaġvium taluagun, aglaan mayuaqtatuaq atlakun tigħiżnijaqtauruq ivayaq-tuqtaupluni. ²Aglaan isigaqtuaq talukun ipnaich munaqṣrigiraġigaat.



(Jn 10.1)

³Taluliqirim taluiğutirağıgaa. Ipnaich tusraarağıgaat nipaa tuqluğaqmatiq atığmiktigun, aasrii ilaan annisirağıgai. ⁴Annisianikamigich sivulliuğağıgai aasrii ipnaich malikługu nipaa ilisimaplugu. ⁵Tamatkua atlamic maliutritlatchut, aglaan qimagağıgaat nipaa ilisimanğıtlugu.” ⁶Jesus atrikusrautmik uqautipmatiŋ, ilinisa kaniqsiñgiñniğaat sumik uqautitilaaqtin.

Jesus Nakuuruaq Munaqsri

⁷Jesus nipliutitqinjñigai, “Iłumutuuruamik nipliutigipsi, Uvaja taluuруja ipnaiñi. ⁸Atlakauplutiq sivumni tikiaruat iluqatiq tigligniaqtaurut ivayaqtuqtauplutiqļu aglaan ipnaich naalağnisaitchaich tamatkua. ⁹Uvaja taluuруja. Kisupayaqaq isığumi uvapkun anniqsuğisiruq; ilaa isiqtuni naagaqaa aniruni paqittağnaqtuq niqiksraq. ¹⁰Tigligniaqtiti kitchaqtuq kisianik tigligiaqhuni tuqqutchityaqhuni unniñ piyaq-quqtaityaqhuni. Uvajali aggiqsuňa tamatkua iñuich iñuulığmik piññaquplugich inujiangllapiağlugu.

¹¹“Uvaja munaqsırıllautağıgaatja ipnaich. Munaqsrıq nakuuruaq tuquyummataqtuq ipnaiñik piqusrıguni. ¹²Akiññaŋniaqtim munaqsırıŋŋitchua ipnaich pigingitchai. Unitļugich qimagaqtuq qiñiqami amaqqumik aggiaqsiuruamik. Amaqqumaasrii kijmaqļugich siamitkaqsıplugich tamatkua ipnaich. ¹³Akiññaŋniaqtı iñuk qimagaqtuq akiññaŋniaqtaulhiñalığmigun. Suksrağıngitchai ipnaich.

¹⁴“Uvaja ipnaich munaqsraat nakuuruaq. Ilisimmaağitka ipnaitka suli ilinisa uvaja. ¹⁵Taatnatun Aapam ilisimałha uvamnik, uvaŋaptuuq Aapa ilisimagiga. Uvaja piyummataqıgiga tuquļiksraqa pıqtigilugich. ¹⁶Aasrii atlattuuq ipnaich pigigitka munaqsrıvıjımi uvaniinğitchuat. Tikiutraksraqıtmitigitka, aasriiñ naalağniňiağaat nipi-

ga. Tarra atautchiiñäuguñiaqtut ipnaich suli munaqsriri atautchiiñamik.

¹⁷Aapam piqpagigaanja tuqqutriyumałapkun piqusriqluña iñuj-nik, aasriiñ tuqqutaujanikkuma iñugutqikkilhitchuña. ¹⁸Kia-unniñ tuqqutchumiñaitchaaja nunuriluña. Uvapkuiñaq qaisaġigiga pisułłapkun, qaiħhiñaagiplugu suli satuħiñaagiplugu. Taamna tillisiaġikkaġa Aapaanīñ atuquġiga.”

¹⁹Tarani Jew-ġuruat atingilgiññiqsut piqusriqhutij tamatkunija uqauttutinik. ²⁰Iñugiaktuat niplianiqsut, “Ilaa tuunġażmik piqaġniq-suq, kinniqiruq. Suvaata naalakpisiuñ?” ²¹Atlatli niplianiqsut, “Iñuk tuunġaqtalik uqagħumiñaitchuq taatna. Qanuġuni tuunġaqtalik qiniżt-lsipkaigisiva ayañjaruamik?”


Jew-ġuruat Ayaiħhat Jesus-mik

²²Ilgiññiqsuq niqiġpagvikaaq Jerusalem-mi. Itqauttutiniġāa Jew-ġuruat agaayyuvikpañat aejmalgitqikman taimani qaayuġnaijanikmagich.

²³Jesus pisruksaġniqsuq Jew-ġuruat agaayyuvikpañatni Solomon-juñ Quligutaanik taggisiliżmi. ²⁴Aasriiñ Jew-ġuruat avataanun kati’amiż nipliutiniġaat, “Qanutun taktigiruami naliġutitchaqsivisigut? Ilumutun uqauttutigut, Ilvich Christ-juvich?” ²⁵Jesus kiugai, “Uqautianikkaluaġpsi, aglaan ukpiġingħitchipsitħa. Savaat iñiqtakkaġ-ma Aapaa sajnqiutaagun uqautigigaatja. ²⁶Aglaan ukpiġingħitchipsitħa atakkii ipnaiġingħitlusu. ²⁷Uvajha ipnaima nipiga naalagaġigaat, uvajha ilisimaplugin, ilinisa malikluña. ²⁸Iñnu liġmik isruitchuamik qaitchigita, ilinjiż tuquyumiñaiqħugħitunniñ. Kia-unniñ ivayaġiyumiñaitchaj uvaġġniñ. ²⁹Sua Aapaa qaiñjanikkajha uvaġġnun kamanatluktuq iluqaaniñ. Kia-unniñ ivayaġiyumiñaitchaa Aapam qaunakkutaaniñ. ³⁰Aapagalu atausriuruguk.”

³¹Jew-ġuruat iyaġaġnik tigusritqilgiññiqsut milluugukħlugu. ³²Jesus nipliutiniġai, “Sivuqqapsitħi uvaġħa savaaqaqtuami iñugiaktuanik sava-al-lautanik Aapam uvaġġnun iñiqtaqiġitqukkajniñ, nalliatigun tamatkua miluqtuġukpisitħa?”

³³Jew-ġuruat kiuniġaat, “Savaallautatigun miluqtuġunġitchiptigiñ, aglaan sagluuqtaġutiqałapkun, takku iñuħiħaugħaluaqħutin uqaqtutin ilipnik Agaayyutauniplutin.” ³⁴Jesus kiugai, “Maligutaksraġikkapsitħi aglausimaruq, ‘Agaayyun nipliġniqsuq, Ilipsi agaayyutaurusri.’ ³⁵Kanjiqsimagħivut uqaħħich aglausimaruat ilumutuugħiśiħħ taimuña. Agaayyutim taħniġai agaayyu-tinik taipchua iñuħiħ akuqtiru uqaħiġmiñik. ³⁶Uvajjal tigusriaġiplu ja Aapam tuyuġikkagħiġa ja nunam iñuħiħ, qanuqħusrimi nipliavisi sagħġolplu ja uqaġniġluutigħiñiplugu Agaayyun nipliġama iġnieniplu ja Agaayyutmun. ³⁷Ukpiġinajha savaaqaqġitchuma Aapaa savaaġiñik, ³⁸aglaan savaaġiñiġup-kich, ukpiġiñġitchaluaġġupsitħaunniñ, savaaġikkatka ukpiġiraksraġigisri.



(Jn 10.22)

Taatnaǵupsiuq kanjisińiaqtusri nalupqisrunǵıǵlusri Aapam uvamniitilaajanik suli uvańa Aapamniitilaamnik.” ³⁹ Taapkuaguuq tiguyumatqiaqsılgıńńigaat aglaan annalgińńiqsuq ilinisa arganjitńiń.

⁴⁰ Jesus utilgińńiqsuq Jordan kuuk ikaaqługu taivruma John paptaagi-vianun, aasrii tarani itkaqsipluni. ⁴¹ Iñugiaktuat iñuich tikiagaqsıńńigaat avatmun itnaqhutij, “John taimńa iñiqtaqanǵitchaluaqtuq quviq-naqtuanik aglaan uqauttutipayańa uumuuna iñukun ilumutuuruq.” ⁴² Taatnaqhutij iñugiaktuam iñuum ukpiǵinigaa Jesus.

Lazarus-ŋum Tuqułha

11 ¹Iñuk Bethany-mi iñuuniaqtuaq atiqaqtuaq Lazarus-mik atniǵ-ñaligńńiqsuq. Taamna Bethany nunaaqqiuraq nukaǵiiik Mary-mlu Martha-mlu irviak. ²Taamnaguuq Mary taimńa kuviriruaq tipraigik-saumik Atanǵum isigaińun aasrii allaqługich nutchamińik. Taavruma anjutnunǵa Lazarus atniǵñaliǵńiqsuq. ³Nukaǵiiik ağnak tuyuqaǵniqsuk Jesus-mun kilgutmik itnaqługu, “Ataniq, ilauraannan piqpagikkán atniǵñaliǵńiqsuq.” ⁴Jesus tusraa’ami nipliqliq, “Taamna atniǵñaq isru-qangitchuq tuqułigmun. Atummigisiruq kamagikkaułiksrajanun Agaayyutim, aasriiń Agaayyutim Iğńińa kamanaqskkautquplugu taav-rumuuna atniǵñakun.” ⁵Jesus-ŋum piqpagigai Martha-lu aniqataalu Mary Lazarus-lu. ⁶Ilaan tusraa’amiń Lazarus atniǵñaǵniplugu, irviń-mińi ittuallapsaǵniqsuq malǵuńni uvlunjni. ⁷Tarakńa maliguaqtini nipliutiniǵai, “Ki, utitqillakta Judea-mun!” ⁸Maliguaqtaiń kiuniǵaat, “Ilisautri! Uvvaqquyuraqnaami Jew-ŋuruuat iyaǵańnik miļuqtuǵniaǵ-gaatin, utiǵnialgitpińmi taamuńa?” ⁹Jesus nipliqliq, “Uvlum qaumanija sassaqangitpa qulit malǵuńnik? Iñuk uvlum qaumanijani igliǵumi putuk-kitchumińaitchuq, atakkii qiniqługu siqińǵum qaummataa marruma nunam. ¹⁰Aglaan unnuam taaqtuami igliǵumi, putukkitkisiruq piillu-ni qaumamik.” ¹¹Jesus taatnaqqaaqługich nipliǵńiqsuq, “Ilauraapput Lazarus sińiksaqtuq, aglaan iqiiqtsichaqtuǵniaǵiga.” ¹²Maliguaqtaiń kiuniǵaat, “Ataniq, sińikkumi iluaqsińiaqtuq.” ¹³Aglaan Jesus pińiq-suaq Lazarus tuquniplugu. Taapkua isrumaniqsut uqaǵasrukniaqługu sińiksapiaqtuamik. ¹⁴Jesus nipliutiniǵai nalupqinaiqługu, “Lazarus tuquruuq. ¹⁵Aglaan piqutigiplusri, quyaruna taamani inǵińlapkun, ukpiq-srisińiquplusrı pitługlugu. Utlaglakput!” ¹⁶Thomas, taiyuutilik Malǵimik, nipliǵńiqsuq maliguaqtauqatmińun, “Ki! Ilisautrii, piqasrıǵlıakput! Uvagullu tuquqatigiyumigikput!”

Jesus Ańitqigviuruq Suli Iñuułhupluni

¹⁷Jesus tikitńami, ilıtchuginiǵaa Lazarus iluviqtauńjaniksimaplugu sisamani uvluni. ¹⁸Bethany-guuq ujasriguni inǵińńiqsuq Jerusalem-

miñ. Sivisutilaaqagañiqsuq malguktun mile-laksrayuñnatun. ¹⁹ Aasriiñ Jew-ŋuruuat iñugiaktuat aggiğniqsut, Martha-lu Mary-lu qiniğiaqļugik araaqtuqiaqļugik aniŋauraŋaknik tuqulhagun. ²⁰ Martha-m tusraa'a-miuñ Jesus aggiaqsiplugu anipluni paagñigaa. Aglaan Mary aimmiñiqsuq. ²¹ Martha-m Jesus nipliutigaa, “Ataniiq! Uvani itchuvich, aniŋaura-ǵa tuqunayaitchuq. ²² Aglaan ilisimagiga, pakmaunniiñ Agaayyutim qaitchitļagaatin, qanusripayaamik iñiğuvich iñimiñiñ.” ²³ Jesus-ŋum nipliutigaa, “Aniŋauran anipchakkaugisiruq.” ²⁴ Martha-m nipliutigaa, “Kanjiqsimagiga Ilaan anipchakkaugisiłha aqulligmi uvlumi.” ²⁵ Jesus-ŋum nipliutigaa, “Uvaja aqitqigviuruja suli iñuuļhupluja. Kisupayaaq tunňapluni ukpiqsriruaq uvamnik iñuugisiruq tuquŋagaluaqtuaqunniñ. ²⁶ Suli kisupayaaq iñuuruuaq ukpiqsrilpuni uvamnik tuquyumiñaipiaq-tuq. Taamna ukpiġiviuj?” ²⁷ Martha-m kiugaa, “Aa! Ataniiq! Ukpiġigiga Christ-ŋuļhiñ, Agaayyutim Iğniġiplutin, aggisuksrautauraq nunamun.”

Jesus Qulvируq

²⁸ Martha taatnaqqaaqhuni utiğniqsuq, aasrii Mary aniqatni tuqļuqļugu nalunaitchipluni, “Ilısautri aggığniqsuq, amma utlaqugaatin.” ²⁹ Mary-m tusraa'a-miuñ iñiŋqsruqħuni paagiağniğaa. ³⁰ Jesus-suli tikiñjaniks-maitluni nunaaqqimun aglaan itluni taivrumani Martha-m paagiviani. ³¹ Jew-ŋuruatguuq tarani Mary-m tupqani ittuat araaqtuqňiaqļugu qiniqamitruj makitluni aniaqsiliqman, isrumaniqsut iluviğmun qiat-yaqaqsiñiplugu aasrii aniqasriqļugu. ³² Mary-m tikitļugu Jesus qiniqamiuñ isigaiñun punniqsuq nipliħħuni, “Ataniiq! Uvani itchuvich, aniŋaura-ǵa tuqunayaitchuq.” ³³ Jesus-guuq qiniqamiuñ Mary kiňuvġuruaq qiapluni tamatkualu Jew-ŋuruuat tuvaaqataiñ qiaqasriqļugu, ilaaptuuq iļuilliullapiąqniqsuq Irrutchiğmiñi ilunijutčakhuni. ³⁴ Apiqsruqniqsuq, “Napmunimma iluviqpisiuñ?” Taapkua kiuniġaat, “Ataniiq! Maliguta qiniğiäguñ!” ³⁵ Jesus-tuuq qulvirus. ³⁶ Jew-ŋuruat qiniqamitruj nipliğ-niçsut, “Qanutun atqunaq piqpagitigaluağniqpaun!” ³⁷ Aglaali iļaŋiħ nipliğniçsut, “Uvva uuma qiniłtasripchaitlaruam ayauŋaruam irraknik tuqqutčailiyumiñaiñnayağniqpaun Lazarus, amägaa?”

Jesus-ŋum Anejipchaǵaa Lazarus Tuquŋaħħaniñ

³⁸ Iļuilliullapiąqħuni Jesus utlautiniqsuq iluviğmun inillaksima-ruamun sisitun ittuamun taluplugu iyaġakpaŋmik. ³⁹ Jesus tiliňiġai, “Iyaġak piiqsiuñ!” Martha nipliğniqsuq tuqruuam aġnaunġa, “Ataniiq! Tipliġuŋnaqsiруq. Sisamani uvluni iluviqtuanjaniksimaluq.” ⁴⁰ Jesus nipliutigaa, “Uqautianikkugaakpiñ, ukpiqquтиqäguvich qiniğayağniqsutin Agaayyutim kamanautaanik.” ⁴¹ Tarakja tamatkua iñuich iyaġak piiqmatruj, Jesus aaġluqħuni nipliğniqsuq, “Aapaan! Quyagikpiñ tusraaraġi’apja.

⁴² İlisimaruña ataramik naalağnígikma. Taamna nipliutigigiga piqutigiplugich makua iñuich qichaqtuat uvani ukpiqsritquplugich tuyuqałłapkun uvamnik.” ⁴³ Taatnaanikami nипитусрipluni tuqłuqniqsuq, “Lazarus, anniiñ!” ⁴⁴ Tuqujaruaq aniñiqsuq ilüviqsisinik nimiqsrqqtat argai isigail-ļu kigiňaļalu. Jesus nipliutiniğai, “Qılǵutaiğlugu aullaqtitchiuŋ.”

Sivunniığun Tuqutchukļugu Jesus

⁴⁵ Jew-ŋuruat iñugiaktuat Mary-muqattaaqsimaruat qıñiqļugu Jesus iñiqtarja, turvigiplugu ukpiğıagutriñiqsut ilaanik. ⁴⁶ Aglaan ilanjich Jew-ŋuruat Pharisee-ŋuruuanun utiñiqsut, aasrii uqautiplugich Jesus iñiqtaranjanik. ⁴⁷ Taatnaqhutij Pharisee-ŋuruatlu qaukļinjillu agaayuliq-sit kattutriñiqsut uqaqsittaqtitchirinik uqaqatigiigukhutij itnaqhutij, “Qanuğisivisa quvíqnaqsiplugu savaanjigun tairvruma iñuum iñiqtaigun?” ⁴⁸ “Ilaatuqtitchuptigu taatna iñupayaam ukpiğıagutigisigaa. Aasriili Rome-mağmiut qaukļinjich piyaqquğisigaat agaayyuvikpakput suli nunaaq-qipput.” ⁴⁹ Taapkua ilańarguuq atiqaqtuaq Caiaphas-mik, qaukļiupluni agaayuliqsi tamarrumani ukiumi, nipliñiqsuq, “Kanıqsimailǵataqtusri! ⁵⁰ İlisimanǵitpisių iħuatluħha uvaptiknun atautchim iñuum tuqqutauħha piqusriġuni iñuŋnik uumakħna iluqägmi nunaaqqim piyaqqukkauħħaniñ?” ⁵¹ Taatnaguuq nipliñiŋniqsuq iñjmiñiħiňa, aglaan qaukļiupluni agaa-yuliqsaupluni tamarrumani ukiumi, ilaan sivuniksriqiginiğaa Jesus-ŋum tuqqutriħiksraja Jew-ŋuruuanik, ⁵² taapkuninajħiňaungħitchuaq aglaan atausriġuqtitchitqiguni aŋayuqaagijsun iluqaitňik siammayaqsimaruaniķ ukpiqsiruanik Agaayutmun. ⁵³ Taatnaqhutij tamarrumakħna uvlumiňag-laan Jew-ŋuruat qaukļinjich sivunniığniqsut, qanuğlugu tuqqtutchukļugu Jesus. ⁵⁴ Taatnaqhuni Jesus igliġatqiñiňiqsuq sagviluni Judea-mi. Aglaan aullaġniqsuq nunamun qanittuamun suviksrailaamun nunaaqqimun ati-qaqtuamun Ephraim-mik, aasrii tarani itkaqsiplutiň maliġuaqtiniļu.

⁵⁵ Jew-ŋuruat niġiqligvikaajat taggisiqaqtuaq Apqusraaqtitauļigmik qalliniqsuq, aasrii iñugiaktuat iñuich nunamiň utlautipluni Jerusalem-mun niġiqligvikaam sivuani itqanaiyägiaqħutij, qaayuġnaityaqħutij ijmiknik [maliglugu maliġutaksraq]. ⁵⁶ Iñuich niġiunniqsut Jesus-mik, Jew-ŋuruat agaayyuvikparajtnun kati'amiż apiqsruqtatiplutij, “Qanuğli isrumavich? Nalupqinaitchuq utlautigisuknaitchuq niġiqligvikaamun taavrumanī.” ⁵⁷ Qaukļinjich agaayuliqsit Pharisee-ŋuruatlu tiliriňiqsuat kia iñuum iļitchuġikpagu naniitilaaja Jesus kilgutigitquplugu ilijsa tigusrukļugu.

Jesus Tipraqsakkauruq Bethany-mi

12 ¹ Itchaksrat uvlut sivuatni niġiqligvikaam taggisiqaqtuaam Apqusraaqtitauļigmik Jesus utlautiniqsuq Bethany-mun,

Lazarus iñuuniagvianun, taimña Jesus-ŋum aŋipchakkajə tuqulığ-miñ. ² Nullautchiugutiniğaat Jesus tarani. Martha-m savautigai Lazarus aqappiqataupkaqlugu Jesus-mi niigivijinñi. ³ Aasriiñ Mary-m tigusripluni akisullapiaoquamik tiprağıksautmik kuvviqiniğai Jesus-ŋum isigai, aasrii nutchamiñik allaqlugich. Naimasruğnaqtuam tiprağıksautim immiğniğaa iluqaan tupiq. ⁴ Jesus malığuaqtaiñ ilajat, Judas Iscariot, taimña tunisi-rauksraq Jesus-mik, nipliğniqsuq, ⁵ “Suvaata tiprağıksaun tunikkaunğitpa piňasrunun kavluitinun maniññun, qaisauluniasriiñ inuqsraqtuanun?” ⁶ Taatnağniqsuq pigaqatlulikuungilaaq inuqsraqtuanik, aglaan ilaa tiglik-tuqtaupluni; maniqaqviat akiyaglikkani piksraqtugvigiraqniğaa. ⁷ Jesus nipliqsuq, “Iłaksianagu aǵnaq! Ilaan pigiliuñ ilakuni taivrumuña uyluanun iluviqtuaviksraǵma. ⁸ Ilipsi ataramik piqańniaqtusri inuqsraqtuanik iñuñnik, aglaan nayuutiyumińaitchuña ataramik.”

Sivunniüğün Tuqutchuklugu Lazarus

⁹ Iñugiaktuarguuq Jew-ŋuruuat tusraaniğaat Jesus iłha Bethany-mi aasriiñ taamuñaqhutiñ, pisigisruñaqnagu Jesus kisian aglaan Lazarus qiniğiağuklugu, Jesus-ŋum aŋipkakkajə tuqulığmiñ. ¹⁰ Taatnaqlugu qauklińich agaayuliqsiit sivunniuqmıñiqsut tuqqutchukluguptuuq Lazarus; ¹¹ atakkii ilaa piqutigiplugu Jew-ŋuruuat iñugiaktuat unitkaqsiñiğaiçh qaukliisij ukpiğıagutriplutiñ Jesus-mik.

Jesus-ŋum Tikisaałha Jerusalem-mun Ataniqtun

¹² Uvlutqikman, iñugiakpauraqtuat utlautiruat niğıqpavikaamun taggisiqaqtuaq Apqusraaqtitaulığmik tusraaniqsut Jesus Jerusalem-mun aggiaqsiplugu. ¹³ Ilinich Palm napaaqtunjtñiñ akiğuksraqhutiñ paagaqsiñiğaat nipliaplutiñ,

“Hosanna. [Nanǵağlakput Agaayyun!]”

Uvvatuq Agaayyutim piliutiqaǵliuñ tikitchuaq piqusriqhuni
Ataniğmik,

Psalm 118:25, 26

Agaayyutim piliutiqaǵliuñ Israel-aágmiut Umialgat!”

¹⁴ Jesus paqtluni natmaksiğviñmik natmaksiąniqsuq uqałhich aglausimaruatun, itna,

¹⁵ “Israel iñugikkajasri, Iqsińasri!

Umialigikkapsi aggıqigaasri,
natmaksiğviñmuk nuǵǵajanı usriaqsiaqhuni.”

Zechariah 9:9

¹⁶ Tarani malığuaqtaiñ kanjıqsıñgiñiğaa taamna; aglaan Jesus aŋitqianikman pakmuñaanikhuni, ilinisa itqaqniğaat aglausimaruam uqałhum taatnaqsimalha, suli itqaqmigaat iñuich immiutiłhat taivrumuña uqaut-

tutmun. ¹⁷Iñugiaktuarguuq nayuutiruat Jesus-mi Lazarus-mik iluvigmiñ tuquığmiñ anitqiqsitman, tusraayugaqtirrutiginigaat tamanna atuu-maaniktuaq. ¹⁸Taatnaqhutiŋ iñugiaktuat Jesus paagnigaat, atakkii tusrajananikhutiŋ ilaa savaktilaajanik taavrumija quviqnaqtuamik. ¹⁹Pharisee-ŋuruatguuq avatmun uqaqsiniqst, “Uvagut piğungillapigaqsirugut! Takkua, iñupayaat iluqatiŋ maliutigaat!”

Jew-ŋungitchuat Ilaŋisa Uqaqtiqagułhat Jesus-mik

²⁰Ilaŋitguuq Jew-ŋungitchuat akunġuruat tamatkunani Jerusalem-muktuani kamaksrityaqhutiŋ Agaayyutmik niqiġpagvikaami. ²¹Tikiñniqst Philip-mun Bethsaida-ġmimumun Galilee-mi, uqaqhutiŋ, “Ajuun! Uqaqatigillagukkaluağikput Jesus.” ²²Philip-ŋum uqautityağní-gaa Andrew, malġuuplutiikaasrii uqautityağnígaak Jesus. ²³Jesus kiuniġik, “Tuqqutauviksraġa tikiumaruq, sivuniqaqtuaq Iñuum Iğñiŋjan atqunaq kamagikkaułiksrajanun. ²⁴Uvanya ilumutuullapliaqtuamik uqautigip-si, mukkaaksram nautchiaksraja suunġitchuq kisianik kataktitau’ami nunamun tuqupluni. Taatnaiłiplugu tuquanikami tikiutriraqtuq iñugiatluktuanik nautchiaksranik. ²⁵Kisupayaam iñuułlı piqpagigumių tammaigisigaa. Aglaan kisupayaam iñuułlı piqpaginġitchumių nunami marrumani pigigisigaa isuitchuamun taimuja. ²⁶Kisupayaam savauti-srukkumiña maliktaksraġigaaña, aasrii sumiitchuma tarani savaktiga inniaqmiuq. Kiapayaaq savautikpanja Aapam kamanaqtitkisigaa.

Jesus-ŋum Uqaqtiqalha Tuqqutaułiksraġmigun

²⁷“Pakma uummatiga ilułlıuġniqst. Qanuq nipliġisivik? Nipliġayaqpik itna, ‘Aapaŋ! Tikiomapkaqnagu taamna naglikasaq-siułiq uvaŋnun?’ Taatnaġnianġitchuňa, takku taamna piqutigiplugu aggiqsaŋjuruňa apqusraaġiaqługu taamna naglikasaqsiułiq. ²⁸Aapaŋ! Kamanaqtirruŋ atqiň!” Taatnaqman nipi nipliqliq qilaŋmiň, “Uvanya kamanaqtinjanikkiga, suli kamanaqtitqikkisiplugu.” ²⁹Iñugiaktuam iñuum qichaqtuam tarani nipi tusraanigaa aasrii nipliħutiŋ, “Katlularuq!” Atlatliguuq nipliqliqst, “Israġulgum uqaqatigigaa ilaa.” ³⁰Aglaan Jesus-ŋum nipliutiniġai, “Uvanya piqutigiluňa taamna nipi tusaġnanġitchuq, aglaan ilipsi. ³¹Pakma tikiumaruq nunam iñuiñ atan-niusreriaqaliksrajat. Tuunġaq, nunam marruma aŋalataa akiilirauniaqtuq. ³²Aasrii kivikkauguma marrumakja nunamiň nuqitkisigitka iluqaisa iñuich uvaŋnun.” ³³Taatnaqamiguuq uqautiginiġaa qanuq tuqqutauluni naglikasaqaliksran. ³⁴Iñugiaktuat iñuich kiuniġaat, “Maliġutaksraġikkapta uqausrimagaatigut, Christ iñuġisiñiplugu taimuja. Qanuqhutinmi uqaq-pich, Iñuum Iğñiňa kivikkaugisiñiplugu? Kisuuva una Iñuum Iğñiňa?” ³⁵Jesus kiugai, “Qauma ittuatlullakkisiruq akunnapsitni. Qauma pigin-

ŋaan iñuuニアッチ taaqsisikkaunğitchumuusrili. Uvvatakku iñuum taaqtuakun iñuuniaqami, ilisimatlaitchaa napmun sivuniqaqtalaani. ³⁶Qaummatiqaqñapsi ukpiksrisitchi qaumamik, aasriili iñugiliutiyuma-gaasri qaumam.”

Ukpiqsriñgiñhat Jew-ŋuruat

Jesus taatnaqqaqhuni aullağniqsuq tamatkunakŋa iriqhuni iliñit-ñiñ. ³⁷Jesus iñiqtqaqaluaqtitlugu quviqnaqtuanik savaanik sivugaatni ukpiğıngiññigaat. ³⁸Taavrumuuna sivuniksriqirim Isaiah-m uqauttutaa tanjqsitauniqsuq itnaqsimalha,

“Ataniq! Kisut ukpiqsrivat uqauttutigikkaptiknik?
Kisumun Atanguruam saŋŋiñi urriqsuqpaun?”

Isaiah 53:1

³⁹Taatnaqhutin tamatkua ukpiqqutaiññiqsut, takku Isaiah-suli itnaqhuni,

⁴⁰“Agaayyutim ayaupkaǵai, isrummatiñich muliktugai,
iļitchuqsrilaiqługich qiñikkamiknik suli isrummatiñich
kaŋiqsiyumiñaiqługich,
aasriiñ saatkumiñaiqługich uvamnun mamititqulutin.”

Isaiah 6:10

⁴¹Isaiah-m taatna nipliutiginigaa takku ilaan qiniqługu Jesus-ŋum kamanałha. ⁴²Iñugiaktuat Jew-ŋuruat sivulliuqtit ukpiqsrigaluaqmiñiq-sut Jesus-mik, aglaan sivuugagiplugich Pharisee-ŋuruat anitqunğitlutiŋ Jew-ŋuruat katraǵviantriñ. Taatnaqhutin uqauttigingiññigaat sagvigługu ukpiqsriłiqtiŋ Jesus-mik. ⁴³Ilinisa piqpagitlukługu iļuaǵitchiułiq iñuŋniñ uumakŋa iļuaǵitchiułiksraǵmikniñ Agaayyutmiñ.

Atanniusriaqaliksrat Jesus-ŋum Uqałhagun

⁴⁴Jesus nipliutinigai niptusripluni, “Kisupayaaq uvamnik ukpiqsriyu-mi ukpiqsriłhiñangitchuq uvamnun, aglaan ukpiğıgisipmigaa tuyuğiriga. ⁴⁵Kisupayaam qiniqsimaruam uvamnik qiniqsimaaqmigaa ilaa tuyuğiriga. ⁴⁶Uvana nunamun qaumatun iļipluna aggiqsaunjuruna, kisupayaaq uvamnik ukpiqsrikpan, irviqaǵumiñaiqługu taaqtuamik. ⁴⁷Kia ivruma tusaagaluaqlugich uqauttutitka tupiginğitpagich atanniğumiñaitchiga. Atakkii aggiñgitchuna atanniqsuityaǵluña nunam iñuiñik aglaan anniq-suǵiaqługich. ⁴⁸Kisupayaam ayagluña, uqauttutiga akuqtungitčumiuŋ, atanniqsimaaqtiaqtuq. Uqałhum uqautigianikkaǵma atanniğisigaa aqullığmi uvumi. ⁴⁹Takku uqanǵitchuna uvapkuiñaq, aglaan Aapam tuyuğirima tillisiqagaaña sumik uqaǵiraksramnik. ⁵⁰Uvana ilisimagiga ilaan tillisigikkaja isruitchuamik iñuuħhuruq. Tamanna uqauttutigikkaǵa Aapam uqautigaaña uqaǵitquplugu.”

Jesus-ŋum Igguiļha Maliguaqtimi Isiganitnik

13 ¹Aasriiň sivuuraŋani niqipagvikaam taggisiqaqtuam Apqusraaqtitauļigmik, Jesus ilisimaniqsuq aullaḡviksra-ni tikisilaajanik nunamiň marrumakŋa Aapamun. Ilaan pigikkani piqpagiragiplugin marrumani nunami ittuat piqpaginiğai isru-nunaglaan. ²Jesus-lu maliguaqtiniļu nullautchigňiqsut. Tuung'aum isrummianijniğaa Judas Iscariot, Simon iğñigikkaja, tunitquplugu Jesus. ³Jesus-ŋum ilisimaniğaa Aapam aatchuutigitilaanja iluqaan saŋji iŋmiňun. Ilisimapmigaa aggiqsilaani Agaayyutmiň suli aullaḡniaqtilaa-ni Agaayyutmun. ⁴Tarraasriiň Jesus makinniqsuq niğgiviŋniň, aasriiň qalliich atnuğaani piiqļugich, ivgutmik tapsipluni. ⁵Aasriiň kuviripluni imiğmik iğgūgvıuramun, iğguqaqsipługich maliguaqtigikkağmi isiga-nich, aasriiň allaqtıqļugich ivgutmik tapsigikkağmiňik. ⁶Simon Peter-m tikitmani nipliutiniğaa Jesus, "Ataniiq! Ilvich iğguğniaqpigich isigatka?" ⁷Jesus-ŋum kiugaa, "Pakma nalugiň savaağikkaga, aglaan aquvatigun iļitchuğigisigiň." ⁸Peter-m nipliutilgiňiğaa, "Qakugununniniiň isigatka iğguğumiňaipiqağıtin." Jesus-ŋum kiunigaa, "Iğgünğitchupkich isigaktin piqatauyumiňaitchutin uvaŋni." ⁹Simon Peter-m kiulgiňniğaa, "Ataniiq! Isigaļhiňaŋingisatka aglaan argatkalu niaquǵalu." ¹⁰Jesus-ŋum kiunigaa, "Kisupayaaq iğguaniksamaruaq salummaliqiaqhuni iğgutqiksraun-ğitchuq avataagun isigaiň. Iluqasri salummaqsimarusri aglaan taamna atausriq." ¹¹Jesus ilisimaniğaa kisumun tuniňiaqtilaani; taatnaqhuni nip-liutiginigaa, "Iluqasri salummaqsimarusri, aglaan atausriq."

¹²Ilaan isiganich iğguanikamigich atitqianikļugich atnuğaaniļu utiğniqsuq inimiňun niğgiviŋnun. Aasriiň apiqsruğniğai, "Kaŋqisvisi sutilaamnik ilipsitňun? ¹³Taiyuğipsitña Ilisautrimik suli Atanigmik, aasrii nalaunjalpluni taatnaļiqsi, atakkii taavrumiňauruŋa. ¹⁴Uvaŋaasrii, ilipsi Atannapsi suli Ilisautripsi, isigasri iğgūgitka. Ilipsipsuuq iğguutiruksrau-rusri isigapsitnik avatmun. ¹⁵Qaitchigipsi urrautiksrapstnik, ilipsipsuuq iňiqtqaquplusri iňiqlişaptun ilipsitňun. ¹⁶İlumutuullapiaqtuamik uqautigipsi, Savaktaağruk kamanatluktuajung'itchuq ataniğmiňin, unniňin uqqiraqtı kamanatlung'itchuq taavrumakŋa tuyuğirimiňin. ¹⁷Ilisimagupsigik tamatkua qanutun quvianamiuniaqtusri atuğupsigik. ¹⁸Taamna nipliutiging'itchiga iluqapsigun. Ilisimaniğitka taapkua pik-sraqtaağikkatka, aglaantuūq uqaļiq aglausimaruqaq immiqliksrauruq itna, 'Iňuk niqiqatiga niqimik akiilliguqtuq uvamni.' ¹⁹Kilikkipsi taavrumiňa pakma atuumaliksrajan sivuani aasriiň taamna qakugu atuummikpan ukpiğıtquplugu ilaaŋutilaamnik. ²⁰İlumutuullapiaqtuamik nipliutigipsi, iňupayaam akuqtuğumiň kiňapayaaq tuyuğikkagaakuqtuqmirağıga-aŋaptuuq. Suli akuqtuipayaqtuat uvamnik akuqtuqmirağıaat tuyuğiriga."

Jesus Sivuniksriqiruq Tunikkaułiksraǵmińik

21 Taatnaqqaaqługich Jesus iłuilliliğniqsuq irrutchiǵmińi aasrii nipliutiplugich, “Iłumutuullapiaqtuamik nipliutigipsi, ilapsi tunińiaǵaa-ja.” 22 Maliguaqtit qińgutiaqsińiqsut avatmun, kańiqsińgiłłapiaqługu. 23 Maliguaqtit ilańat, taimńa Jesus piqpagikkańa, aquppińiqsuq tugliup-luni Jesus-mun. 24 Simon Peter-m urriqaniǵaa itnaqhuni, “Apiqsruǵuń kisumik uqautiqaqtilańa.” 25 Taamna maliguaqtit qallılaaqhuni Jesus-mun apiqsruǵniqsuq, “Kisuuvá, Ataniiq?” 26 Jesus kiugaa, “Ilaańjuruq qaitchikkaǵa uumińa qaqqiavińauramik misruqqaaqługu imiqqa-mun.” Tarakja tigusripluni qaqqiavińigmik misruqqaaqługu qaińńiǵaa Judas-mun, iǵńińjanun Simon Iscariot. 27 Judas tiguluqqaǵaa qaqqiaq Tuunǵaum isińiǵaa. Tarani Jesus-ŋum nipliutigaa, “Savaaǵisrukkan piuń qilamik!” 28 Nalliataunniń niǵińiaqatauruat kańiqsińgińńiǵaat qanuu-tautilańjanik Jesus-mun niplutińha. 29 Ilanich maliguaqtit isrumaniqsut, Judas ajalatigipmagu maniqągvıńat, Jesus-mun tauqsiǵiaquniplugu inuǵikkaǵmiknik niǵińpagvıńkaami, unnińiń qaitchityaquplugu sumik inuqsaqtuanun. 30 Judas akuqtuanikamińa qaqqiavińauraq, tarvauvaan anińiqsuq. Tarra unnuajuruq.

Nutauruaq Tilliń

31 Judas anianikman Jesus nipliqsuq, “Pakma Ińuum Iǵńińja kamanaqsipkakkauruq. Suli Agaayyun kamanaqsipkakkauruq Ilaagun. 32 Aasrii Agaayyun kamanaqsipkakkauruq Ilaagun, Agaayyutimtuuq ińimińik sagviǵisigaa kamanautaa Iǵńińjan Ińuum, Ilaan kamanausriǵługu tarvauvaan. 33 Iłlgauramaaj! Uvaja nayuutiqpaakkumińaiqsuja. Pakaqsigisigaluaǵipsitńa, aglaan Jew-ńjuruat uqautipmatun nipliutigipsi pakma, ‘Aullalguitchusri aul-laǵviginiaakkamnun.’ 34 Nutaamik tillitmik qaitchigipsi, Avatmun piqpkakutiyumuusri! Atriļugu piqpkasrińiga ilipsitńik, taatnatantuun piqpagiikkumuusri. 35 Avatmun piqpkakutigupsi, ińupayaat iłitchuǵigi-sigaat uvamni maliguaqtaułiqsi.”

Jesus Sivuniksriqiruq Peter-m Piļaałiksrajanik

36 Simon Peter-m apiqsruǵniǵaa, “Ataniiq! Napmuńniaqpich?” Jesus-ŋum kiuniǵaa, “Pakma malilguitchiń aullaǵviginiaakkę, aglaan aquvatigun malikkisigikma.” 37 Peter-m apiginiǵaa, “Ataniiq! Suvaata malilguitchiń pakma? Uvaja tuqułhińaaǵuqtuńa pisigilutin.” 38 Jesus-ŋum kiugaa, “Itqanaipiaqpich tuqqutisukluńa? Iłumutuuruamik nipliutigikpiń, aqargińpaktalqıǵıńjaan piļaaǵutigigisigikma pińasruniaglaan.”

Jesus-ŋum Apqutaułha Aapamun

14

¹Jesus-ŋum nipliutigai, “Iluilliuqtinagich uummatisri. Ukpiqsrimaağitchi Agaayyutmun, uvamnun ukpiqsrlusripsuuq! ²Aapaa kiñungāni iniksrat iñugiaktuat ittut. Itqanaiyautityaağniığipsi iniksrapositñik. Taatna uqautinayaitchipsi, taatniingítpan. ³Aasrii aullağuma itqanaiyağıagliju iniksraqsi aggitqikkisiruña, aasrii uvaŋnun iñmagusri nayuutitlasrılıusri nani itchuma. ⁴Aasrii ilitchuğianikkiksi qanuq tikiññałiksraqsi taivrumuna aullağniağvigikkamnun.” ⁵Thomas-ŋum nipliutigaa, “Ataniq! Ilisimangritchikput napmuŋniaqtilaan. Qanuğlugu taivrumujağniałhum apqutaa ilisimagisivisigu?” ⁶Jesus-ŋum kiugaa, “Uvaŋa apqutauruña, ilumutuupluña, suli iñuułhupluña. Kiñauñniñ Aapaanukkumiñaıtchuq kisianik uvapkun. ⁷Pakma ilitchuğı'apsitña ilitchuğipmigiksipsuuq Aapaga. Aasriiñ uvakŋjaniñaglaan ilisimagiksi suli qiniqsimaplugu.”

⁸Philip-ŋum nipliutiniğaa, “Ataniq! Aapamik urriqsuutitigut. Taamna inuğikkatuağıgikput.” ⁹Jesus-ŋum kiugaa, “Takiruami nayuuti'ama ilip-sitñi naagasuli ilitchuğingítipiña, Philip? Kisupayaam qiniqsimaruam uvaŋnik qiniqsimaga Aapa. Suvaatami nipliqpich Aapamik urriqsuutquplusri? ¹⁰Philip! Ukpıgıtngitpiuŋ uvaŋa Aapami nayuutilaaga suli Aapa uvaŋni itilaaña? Tamatkua uqałhich uqautigianikkatka ilipsitñun uvamniqnsaunğitchut. Aapauruam nayuutiruam uvaŋni iñiqtägigai savaani. ¹¹Ukpıgısritña uqaqama Aapami itilaamnik suli Aapa uvaŋni itilaajanik! Naagaunniñ ukpıgısritña savaapkun. ¹²Ilumutuuruamik nipliutigpsi, kisupayaaq ukpiqsırıuaq uvapkun savaŋniaqmıuq savaağikkamnik, piňiaqtuqunniñ kamanatluktuanik savaanik tamatkunakŋa, atakkii aullaqısırıja Aapaanun. ¹³Aasrii iñiqtıgısigisigipsi qanusripayamik iñigupsi attapkun piqutigilugu Aapauruam kamanaqtitałiksrajanıgın uvapkun Igñiğuruakun. ¹⁴Sukupayaaq iñigupsitña atığikkapkun, iñiqtägigisigiga.

Akiqsrūun Ipqitchuam Irrutchim Qaisaułiksrajanun

¹⁵Piqlagigupsitña tupigigisigisri tillisitka. ¹⁶Aasrii iñigisigiga Aapa qaitchitqulusri atlamic ikayuqtiksramik nayuqtiksrapositñik qajavak taimuña. ¹⁷Taamna Irrusrıığigaa ilumutuuhum. Nunam iñuiñ akuqtulguitchaat qiniqngitlugu unniñ kaŋiqtıgısigisigipsi. Aglaan ilisimagiksi, takku iñuuqatauruq piqatigiplusri suli ilipsitñiinniaqtuq.

¹⁸“Unitchumiñaıtchuq kisiŋjuğusri. Utiğlıhitchuja ilipsitñun. ¹⁹Sivikisuurami nunam iñuiñ qiniqngitkumiñaigisaatña aglaan ilipsi qiniqisigipsitña, takku iñuułapkun ilipsipsuuq iñuugisirusri. ²⁰Taimña uvluq tikitpan ilitchuğigisigiksi Aapamni itilaaga suli ilipsi uvamni, aasriip-

suuq uvaja ilipsitñi. ²¹Kisupayaaq piqaqtuaq tillisimnik tupigiplugillu ilaajuruq piqpaksrirauruq uvamnik. Aapaa piqpagisigaa piqpaksri-ruaq uvamnik. Uvajaptuuq piqpagisigiga ilisimapkaġluja ilaunun.” ²²Judas-ŋum (Iscariot-ŋungitchuam) nipliutinigaa, “Ataniq! Qanuġutin ilisimapkaġisivich uvaptiknun ilisimapkasruňaqnak nunam iñuiñun?” ²³Jesus-ŋum kiugaa, “Kisupayaam piqpaksiruam uvamnik tupigisigai uqałlatka. Aapaa piqpagisigaa suli Aapagalu tikitkisigikpuk iñuunia-qasriġlugu. ²⁴Kisupayaam piqpaksriñgitchuam uvamnik tupigitlaitchai uqałlatka. Uqałhich tusraakkasri uqałiġingitchitka, aglaan aggiaġaqtuq Aapamiñ tuyuġirimniñ.

²⁵“Tamatkunija uqautigipsi nayuutiňaġmasuli ilipsitñi. ²⁶Ikayuqtim Ippitchuam Irrutchim Aaparuam tuyuġiraksrajan attapkun ilisauti-gisigaasri supayaamik itqaqtitaġlugu iluqaisa uqauttutitka ilipsitñun. ²⁷Qiñuiñnamik unirvigigipsi. Tutqiutimnik tutqiutiqaqqitchi. Nunam iñui qiñuiñnaqaġumiňaitchut qiñuiñnaqaqtirrutiptun. Iluilliuqtitnagich uummatisri! Iqsisurjaqasri! ²⁸Tusraagipsitña nipliama aullaġnienġipluňa, aglaan aggitqiňiaġnipluňa ilipsitñun. Piqpagipiäġniġupsitña quviasru-gayaġaluaqtusri aullaġnienġapunk Aapamun, atakkii Ilaa kamanatluktuq uvamniñ. ²⁹Tamarrumija pakma kilianikkipsi atuummagħaluaqnagu ukpiqsritquplusri atuummiļuni pikpan. ³⁰Tarakjaaglaan uqaaqtuqati-gilguiġniġipsi, takku nunam marruma ajanlataa, Tuunġaq, aggiaqsiруq. Ilaa piitchaluaqtuq sajnjiġi akiililiuňa, ³¹aglaan nunam iñuiñ ilitchuġi-raksraġigaat piqpaksriġiġa Aapamik. Taatnaqħugu tupigiraġigiga Aapam tillisipayaanja. Makillusri, uvakja aullakta!”

Jesus Napaaqtupiatun Ittuq

15 ¹“Uvaja atriqaqtuja napaaqtupiamik aasrii Aapaga nautchir-riqiraupluni. ²Ilaan piġaġigaa akiġupayaaq uvamniittuaq asrirriraqaġitman, suli naggiuksaqħugu akiġupayaaq asrirriraqtuaq asrirripsaaquplugu. ³Ilipsi salummakkaujaniktusri uqałlikun uqauti-gianikkapunk ilipsitñun. ⁴Piqatautiňaġitchi uvamni suli uvajaptuuq ilipsitñi. Uvamni nayuutingiġsquanjugupsi asrirriaqāġumiňaitchusri, atrilu-gu akiġuq iñmigun asrirritlaitchuaq kisianik napaaqtumi itnami. ⁵Uvaja atriqaqtuja napaaqtumik, ilipsiasriiñ akiqqutun. Kisupayaaq nayuuti-ruaq uvajni suli uvaja ilaani, atqunaq asrirriaqāġisiruq, takku sumik iñiqsiyumiňaipiaqtusri piilluňa uvaja. ⁶Kiñapayaaq nayuutingiġtchuaq uvamni ittuq akiqqutun igitaupluni tuqulliruatun. Taatnatchich akiqqut katitlughich ikniġmun igittaġigaich ikipkaġvixsrajatnun. ⁷Ilipsi uvamni nayuutigupsi suli uqałiġikkatka ilipsitñi, aasriili qanutchimik pigiymakkapsitnik iñiqsruġupsi qaisauniaqtuq ilipsitñun. ⁸Aapaa kamanautaa qiniġnaqtiaġisiruq tumigilugu atqunaq savaaqqlautaliqsi. Taatnatun

ukpiqnaqsigiksi maliǵuaqtigitilaaqsi uvamnun. ⁹Piqaǵikkaǵigipsi atriplugu Aapaa piqpaksriǵha uvamnik. Nayuutititchi piqpakkutimni. ¹⁰Tillisitka tupigigupsigik piqpakkutimni itkisirusri, atriluguptuuq uvaja Aapaa tillisaińik tupiksripluńa itmatun piqpakkutaani. ¹¹Tamatkuniňa uqautigipsi quvianaǵikkaǵa ilipsitniitquplugu, suli quvianaqaquplusri naamaruamik.

¹²“Unauvva tillisiga, piqpakkutiyumuusri avatmun atrilugu piqpaksriǵiga ilipsitńik. ¹³Kińaunniiń kamanatluktuaamik piqpakkutaitchuq uumakja ińuum qaitchińhaniń ińuuhiǵmińik piqutigiplugich ilauraani. ¹⁴Ilipsi uvajni ilauraanjurusri tillisitka atuǵupsigik. ¹⁵Savaktaağrunik taiyutqikkumińaitchipsi, takku savaktaağruum ilisimatlaitchaa ataniǵmi suraǵańha. Aglaan ilauraanik taiyuutiqagisi-gipsi, takku supayaamik Aapamniń tusraakkamnik ilitchugipkaǵipsi. ¹⁶Ilipsi piksraqtaaǵingitchipsitńa, aglaan piksraqtaaǵigipsi suli nalunaǵusri asrirriaqaquplusri ińugiaglugu suli asrirrituińaǵusri itquplusri. Aasrii Aapam qaitchigisigaasri qanusripayaaamik injı́gupsiuń attapkuń. ¹⁷Taatnaqhusri taatnailipplugu tiligipsi piqpakkutitquplusri avatmun.

Nunam Ińuiń Uumiksrińhat Maliǵuaqtinik

¹⁸“Nunam ińuiń uumigikpasri itqaǵiraksraǵigiksi uumigikkaulıǵap-tuuq sivupsitńi. ¹⁹Ilipsi pigipkaǵupsi nunam ińuińun, piqpaginayaǵaasri pimiktitun ilińusri. Aglaan piksraqtaaǵigipsi marrumakja nunakuaǵimińi piginǵıqsitlusri tamarrumuńa; taatnaqhuni nunam ińuiń uumigigaasri. ²⁰Itqaǵiyumagiksi uqałhich uqautigikkatka ilipsitńun, ‘Savaktaağruk kamanatluktuańjungitchuq ataniǵmińiń.’ Ilijisa piyuakkaǵigaatja, tarrali piyuagisigaasripsuuq. Tupigigaich uqauttutitka, tarrali tupigisigaasripsuuq. ²¹Aglaan ilijisa taatna irrutigisigaasri piqutigilugu pigipkaǵıqsi uvajnun, ilisimanǵitlugu tuyuǵiriga. ²²Aggińgitchuma suli uqautingitchupkich patchisaikkaunayaqtut. Aglaan pakma pisangitchuuǵutiksraitchut killuqsautmiktigun. ²³Kisupayaam uumigińamińa Aapagaptuuq uumigimpıraǵigaa. ²⁴Savaaqaqsimaitchuma akunǵatni ińuum ińiqtagińgaqsimaisajanik patchisaikkaunayaqtut, aglaan qiniń-nikkaluqaǵlugu ińiqtaga uumigituińaǵaatja suli Aapaga. ²⁵Taamna taatniittuksrauruq tańiquplugu taimńa uqautauruaq aglaksińmakkańa maliǵutaksriusrainjıtńi, ‘Uumigigaatja patchisailaakun.’

²⁶Aglaan ikayuqtı aggipan, tuyuǵiniakkaǵma Aapamiń, Irrusria ilumutuułhum Aapamiqnisauraq, ilaa uqautinıaqtuq uvapkuń.

²⁷Uqaǵigisigipsitńapsuuq takku iqataurusri uvamni aullaǵniińhaniń.

16 ¹“Uqautigipsi tamatkuniňa ukpiqqutaiqungitlusri. ²Ińuich anit-qataǵisigaasriunniń ilijisa katragvińmikniń. Aa, piviksraq tikitchumaaqtuq kia ińuum tuqqutchumisi savautrińasrukniágisiruq

Agaayyutmik. ³Taatnaililugu irrutigisigaasri ilitchuqsrimaiłigmikkun Aapamik unniñ uvajnik. ⁴Aglaan uqautigipsi tamatkuniña itqağıtquplugich uqauttutitka ilipsitñun taimanigu irrutiaqsikpasri taatnaililugu. Uqautingitchaluağipsi tamatkuniña maliğuaqsiutiqqaqapsi takku nayuqtuiñaqhusri.

Ipqitchuam Irrutchim Savaaşa

⁵“Aglaan pakma utığniaqama ilaanun tuyugirimnun nallipsi apiq-sruqtangitmigaatña napmuaqsisilaapkun, ‘Napmuñniaqpich?’ ⁶Aasriiñ pakma kilikapsi aliatchaktusri. ⁷Aglaan ilumuturuuamik nipliutigipsi, iħuatlukkisiruq aullaħiksraġa. Uvvatakku aullanġitchuma ikayuqtik-srapsi utlañnianġitchaasri. Aglaan aullaġuma tuyugigisiga ilipsitñun. ⁸Aasrii aggigumi ilitchuġipkaaqsigisigai iñui nunam nalaunġitlutiż kıl-luqsautikun suli nalaunjarualikunlu atanniivksrakunlu. ⁹Uqautigisigai nalaunġiñilutiż killuqsautikun takku ukpiqsriñġitlutiż uvamnik, ¹⁰suli nalaunjarualikun takku Aapamuñniaqtu ja aasrii qin̄itqikkumiñait-chipsitña, ¹¹suli atanniivikun takku ajałatchiruaq marrumani nunami Tuunġaq atannikkaujaniktuq.

¹²“Uqaksraqaġaluqaqtu ja iñugiaktuanik ilipsitñun aglaan pakma kańiqsiyumiñaitchusri. ¹³Aglaan Ipqitchuaq Irrusriq ilumutuułigmik ilitchuġipkairuksraq aggigumi, ilaan kańiqsipchaaqsigisigaasri iluqaanik ilumuturuuanik. Ilaa uqaġumiñaitchuq ajałatchiļiqaqmatun iñmigun aglaan uqautigisigaasri tusraakkaġmiñik, suli quliaqtuaġutiniaġaasri sunik tikitchuksranik. ¹⁴Ilaan kamanaqtitkisigaaja, takku uqaksra-ġikkaġa quliaqtuaġiniagħaa ilipsitñun. ¹⁵Iluqaan Aapam pigikkija pigipmigigaptuuq. Taatnaqlugu nipliutigigiga Ipqitchuamun Irrutchimun quliaqtuaġiniaġniplugu ilipsitñun uqaksraġikkaġa.

Alianaq suli Quvianaq

¹⁶“Sivikisuurami qin̄ingisaallakkisigipsitña, aasriiñ kiñuvaanagun qin̄iaqsiġilluña.” ¹⁷Ilanjitguuq malīgħaqtaiñ uqaaqsiñiqsut avatmun, “Sumik uqautivatigut itnaqami, ‘Akuniisrujaqasri qin̄ingiġisigipsitña aasriiñ taamuunavak qin̄iaqsiġilluña,’ suli itnaqami, ‘Aullaġniaqtu ja Aapamun?’ ¹⁸Qanuutauba ‘sivikisuuraq?’ Uvagut kańiqsitlaitchikput sumik uqautiqaħha.” ¹⁹Jesus-ñum kańiqsimapluġu apiqsrugħuħat taavrūmuuna nipliutiniġai, “Apiqsrutuutivisi ilipsitñun sumik qanuutautiqaqtilaajanik uqaqama, ‘Akuniisrujaqasri qin̄ingiġisigipsitña aasriiñ taamuunavak qin̄iaqsiġilluña.’ Taamna apiqsrutigisuklugu uqaksraqtutigivisiuż akunnapsitni? ²⁰Uvajha nipliutigipsi ilumuturuuamik, qiapkaġusri lu alianniqtillusri lu nunam iñui quviatchakkisirut, aglaan alianniulqi si mumikkisiruq quviasrułigmun. ²¹Aġnaq qitunġiuqtaq auliyautipma-

ni nagliksaagaaqtuq tikiumałhagun atniğñam, aglaan annaaniktiqami puuyuǵaǵigaa nagliksaalıı auliyausrıma’ami, quviatchagaqtuq ilaalug-ruaq anipman nunamun. ²²Taatnatun alianniügutiqagaluaqtusri pakma aglaan qıñitqikkisilgitchipsi suli uummatisri quviatchakkisirut, aasrii kia-unniiñ iñuum ivayaǵiyumińaitchaa quvianaq ilipsitñiń. ²³Taivrumani uvulumi apiqsruqtaaqsiyumińaitchipsitña sutigun. Uqautigipsi ilumu-tun, Aapam qaitchigisigaasri ilipsi iñjigupsiuŋ qanusripayaamik attapkun. ²⁴Uvujanunaglaan iñiqsruqtangıtchusri sumik attapkun. Iniqsruǵitchi ilipsili akuqtuiyumuusri suli quvianaksraqsi inuńaitchumuuq.

Akiilitnílha Jesus-ŋum Nunam Iñuiñik

²⁵“Uqautigipsi tamatkunija atrikusrautitigun. Pivik tikitchağumaruq uqaǵuiǵviksraǵa ilipsitñun atrikusrautitigun aglaan uqautitlasrigisigipsi kanjqsińaqsilugu Aapauruakun. ²⁶Taimña uvluq tikitpan, iñiqsruqtaǵisi-giksi attapkun. Uvańaunniń iñiqsruutingítkipsi Aapamun. ²⁷Uvvatakku Aapam piqpagigaasri takku piqpkasriplusri uvamnik suli ukpiqsriplu-gu aggıqsimaliǵa Agaayyutmiń. ²⁸Uvańa ilumun aggıqsuami Aapamiń marrumuja nunamun. Uvva pakma aullaqsiłgitchuňa maakja nunamij utiqsaqluňa Aapamun.”

²⁹Maliǵuaqtaiń nipliutinigaat, “Uvvaliqaa uqałhiń kanjqsińaqtuq. Pakma uqanǵitchutinunniń atritigun. ³⁰Uvagut kanjqsigikput pakma ilisimałhiń supayaamik. Inuqnangıtchuq kisumun apiqsruqtaqulutin. Taavrumuuna ukpiǵigikput aggıqsuajułhiń Agaayyutmiń.” ³¹Jesus kiugai, “Uvvapakma ukpiqsrlıqpaalukpisi? ³²Pivik tikińniaqtuq, tikiu-maaniktuqami, iluqasri siammayaqaqtitałiksraqsi, atausriukattaaǵusri kińunnapsitñun kisińnugluňa. Aglaan kisimallapiaq ingıtchuňa, tak-ku Aapaa nayuǵaaňa. ³³Tamarrumiňa uqautigipsi qıñuińñaqaqplusri piqataułapsigun uvamni. Nunam iñuiń nagliksaaqtitkisigaasri, aglaan quviatchauǵikkitchi. Uvańa akiilińianiksimagiga nunam ańalataa.

Jesus-ŋum Iniqsrułha İñmigun

17 ¹Jesus taatnaanikami, ilaa aaglıuqhuni nipliǵniqsuq, “Aapań, pakma piviksraq tikiumaruq. Kamanaqsipkaǵuŋ Iğñiğiń, Iğñiqlipli kamanaqsiyumaǵatın. ²Uvvatakku ilvich apjalatchitłapkaǵiń iluqaitník iñuńjanik suli qaitchitłapluni isruitchuamik iñuułigmik ilu-qaitñun qaisaǵikkraqnun ilaanun. ³Una isruitchuaq iñuułiq itnautauruq, iñuich ilitchuqslıqksrajat ilipnik kisivich ilumun Agaayyutautilaqnik suli ilitchuǵilugu Jesus Christ ilvich tuyuǵikkıan. ⁴Ilitchuǵipkautianikkiga kamanałhiń nunam iñuińun. Itqanaińjanikkiga savaaksrırırtutigikkıan uvajnun. ⁵Pakma, Aapań, kamanaqsipkaǵuŋ sivuqqapni, kamanautim atrińjanik pigikkaǵma itnama ilipni nuna iñiqtawgaluaqnuunniń.”

Jesus Iniqsruutriļha Maliguaqtimiňik

6 Uvaja ilitchuġipkautigianikkikpiň iñujnun ilvich qaisaqnun uvajnun marrumakja nunamiň. Ilvich pigiliutigitin, aasriiň qaitkitin uvajnun, aasriiň tupigigaat uqałhiň. **7** Pakma ilitchuġigaat suapayaaq qaisan uvajnun aggiqsałha ilipniň. **8** Qaitchigitka uqałigmik qaisaqnik uvajnun. Ilijisa akuqtuqługu, ilitchuġigaat ilumun aggiqsuaļuļiga ilipniň ukpiġiplugu ilipnun tuyuġiliġa. **9** Agaayyutigitka tamatkua. Pakma agaayyutinġitchitka nunam iñui, aglaan agaayyutigitka tamatkua qaisatin uvajnun, takku ilijich pigigitin. **10** Iluqaan uvaja piga pigipmigiň suli iluqaan ilvich piň uvanaptuuq pigigiga, aasriiň kamanalığa qiniġnaqtitaruq tamat-kunuuna. **11** Pakma utlautiniaqtuňa ilipnun nunami ingiġluja, aglaan tamatkua inniaqtut nunami. Ipqitchuaq Aapaan! Qaunagiyummigitin annautruġlugich sajnigikkaļagun atiġikkaqpich qaisaqikkapkun uvajnun, ilijilli atautchiiňauyumuut atrilugu uvaguk atausriuļipuk. **12** Uvaja nayuutinnamni nunami ilipitni qaunagigikkatka annautruqługich sajnigagun atiġikkaqpich, ilvich atchiutigikkapkun. Qaunagigitka aasrii atausriqunniiň tammanġitchuq, aglaan taimňa iñuk tammaqtuksrauruq, Agaayyutim uqałha immiutaupluni. **13** Pakma utlautiyasriruňa ilipnun. Taatnailiplugu uqaqtuňa innamni nunami, ilijich piqaqupluginh quvianaġikkamnik inuňaiġlugu. **14** Qaitchiruňa uqałignik ilijitňun, aasrii nunam iñuiň uumigigaich, takku piqatigingiqliġugich nunam iñui atriplugu uvaja piqataungiļiga nunam iñuiňun. **15** Uvaja iniqsrunġitchikpiň piiqulugich marrumakja nunamiň, aglaan iniqikpiň qaunagitqupluginh piňiňnaiġlughich tuunġaġmiň. **16** Uvaja piqataungitmatun nunam iñuiňun ilijittuuq piqataungitčħut nunam iñuiňi. **17** Ilumutuuļapkun ipqiqsimaakkich ilipnun. Uqałhiň ilumutuuruq. **18** Tuyuġigitka nunamun, ilvittuuq tuyuqmatun uvamnik nunamun. **19** Ilijich piqutigipluginh ipqiqsimaaqtuňa ilipnun, ilijittuuq ipqiqsimaaqupluginh ilipnun ilumutuuļikun.


Jesus Iniqsruutriļha Ukpiqtuanjuruapayaanik

20 “Agaayyutinġitchitka kisiisa tamatkua, aglaantuúq taipchua ukpiq-siruaksrat uvamnik ilijisa uqałhatigun. **21** Agaayyutigitka iluqaġmiň atautchisun itqupluginh. Aapaan! Atautchisuttuq illich uvaptikni, atrilugu ilvich uvamniitmatun suli uvaja ilipni. Taatnatuq atausriuyumuut, taavr-ruunali nunam iñuiň ukpiġiagutiyumigaat ilvich tuyuqałhiň uvañnik. **22** Uvaja qaitchigitka atrijanik kamanalıqpich qaisaqpich uvajnun, piqutigiplugu ilijich atautchiiňauļiksrajet atrilugu uvaguk atausriuļipuk. **23** Uvaja illuňa ilijitni suli ilvich uvaňni, taavrūmuuna ilijich atausrijuġumuut. Nunamli iñuiň kańiqsiyumiġaat ilipnun tuyuġiliġa suli ilvich piqpakṣriħiň ilijitni piqpakṣripmatun uvañnik. **24** Aapaan, tamatkua

qaisatin uvaŋnun iqatigisrukkitka sumiitchuma iliŋitnun qiniqquplugu kamanaun pigipkakkan uvaŋnun takku ilvich piqpagipluŋa nuna iñiq-tauŋaiňjaan. ²⁵ Nalaunŋaruaq Aapaŋ! Nunam iñuiň nalugaatin, aglaan uvaŋa ilisimagikpiň suli ukua maliŋuaqtit ilitchuġigaat tuyuġitilaşa ilipnun. ²⁶ Ilitchuġipkaġikpiň iliŋitnun, suli ilitchuġipkapsaġniaġkipiň. Tarrali piqpakſriļiqliq piqpaġġutigkkan uvaŋnun uvaŋalu nayuutiymuuq iliŋitni.”

Jesus-ŋum Tigurauħha

- 18** ¹Jesus agaayuanikami taavrumanı, aullaġniqsuq maliŋuaqtini-
lu ikaaqlugu kuuġuraq taiňaqtuaq Kidron-mik. Taakmaniajanı inniqsuq nautchiivik. Jesus maliŋuaqtini lu isigniqsut taavrumuňa.
²Judas-ŋumaasrii, aatchuutigitniktuaam ilaanič, ilisimaniġaa suniitilaşa. Uvvatakku Jesus-ŋum taruŋautisruuniġai akulaiqlugu maliŋuaqtini



(Jn 18.1)

tarani. ³Taatnaqhuni Judas utlautiniqsuq nautchiivijmun piqasriqhuni arjuyyiuqtinik suli agaayyuvikpaum qaunaksraiñik, tuyuuplutij qaukli-ñitñiñ agaayuliqsiniñ suli Pharisee-ñjuruaniñ, saagaqhutij satkunik suli nanniñik. ⁴Jesus-ñjum kanjqsimaplugu suapayaaq atuumaniaqtuaq ijmiñun paañigai niplutipluginich, “Kiña pakikpisiuŋ?” ⁵Taapkua kiuniñaat, “Jesus Nazareth-miu.” Ilaan kiugai, “Uvaja taimñauruŋa.” Judas-ñjum, aatchuutigitnaktuam ilaanik, qichaqasriqsimaniñgai tamatkua pakaktuat. ⁶Jesus-ñjum nipliutipmatij, “Uvaja taimñauruŋa,” tamatkua kiñumuktuqhutij ulgusraagñiqsut nunamun. ⁷Jesus-ñjum apiqsrutqijñiñgai, “Kiña pakikpisiuŋ?” Kiuniñaat, “Jesus Nazareth-miu.” ⁸“Uqautianikkipsi ilaañutilaamnik. Ilipsi pakakkupsitñā, maliguaqtitka aullaqtitchigik!” ⁹Taatna nipliutiniñgai Jesus-ñjum tanjqsaqługu nipliutigimaanikkani itnailiplugu, “Aapaan, atausriqunniñ tammanaqtchuq qaisaqniñ uvajnun.” ¹⁰Simon Peter-guuq savikpaqaqhuni, aasriiñ amuliqamiuj anaupluni ilaan siutaiqsigniñaa taliqpianik tamarrumija qaukliata agaayuliqsit savaktaa, atiqaqtuaq Malchus-mik. ¹¹Jesus-ñjum nipliutigaa Peter, “Tugvaqñ satkugikkan puujanun. Isrumavich akuqtugñiangiññasrugalugu uvamnun naglikasaqtiqpak Aapama sivunniagikkaja uvamnun? Uvaja naglik-saagluŋa tuqruksrauruŋa. Imiqtaksraqigiga taamna imajä qallutim Aapama qaisajä uvamnun?”

Annas-ñjum Apiqsrutquiļha Jesus-mik

¹²Ajuyyiqtit piqasriqhutij qaukligmiknik suli Jew-ñjuruat qaunaksrijisa tiguniñaat Jesus qiliqsrueqługu, ¹³aasrii sivulliuplugu Annas-muutiplugu ataniñmun, taataruanjanun Caiaphas-ñjum. Caiaphas-guuq qauqliupluni agaayuliqsuaq tamarrumani ukiumi, niļuagiplugu taavruma Annas-ñjum atanğum. ¹⁴Taamna Caiaphas uqautriñiqsuaq qaukliñitñik Jew-ñjuruat iļuatlukkisiñiplugu atausriq iñuk tuqqutaukpan piqusriquni iluqaitñik iñuŋnik.

Peter-m Piilaaqaļha Jesus-mik

¹⁵Simon Peter-m suli atlasmaliguaqtim kiñuagun malijniñaak Jesus. Taamna atla maliguaqtii, iļisimaplugu qaukliata agaayuliqsit, isigniñiqsuq igluqpaŋjanun qaukliata agaayuliqsit piqatigiplugu Jesus. ¹⁶Peter-li qichaqñiqsuq tatkiani paami. Taamna atla maliguaqtii, iļisimaplugu qaukliata agaayuliqsit, aniñiqsuq kiñumun. Itqutiniñaat Peter tatqamuŋa uqatigianikamiuj niviaqsiagruck taluliqiri. ¹⁷Taavruma taluliqirim niviaqsiagrurum nipliutiniñaat Peter, “Uvva, iļagivatin maliguaqtaiñ tatqavruma iñuum?” Peter-m kiugaa, “Iļagingitčaatja.” ¹⁸Alappaanjupluniguuq savaktit suli qaunaksrit ikniqsuhutij aumaniñ qichaqñiqsut avataani auksiqhutij iñmiknik. Peter-m qichaqasriqamigich, auksiaqsimiñiqsuq iñmiñik.

Qaukliata Agaayuliqsit Apiqsruqtaiļha Jesus-mik

¹⁹ Qaukliata agaayuliqsit apiqsruqtugničaa Jesus ilaan maliguaq-taigun suli ilaan ilisauttutaigun. ²⁰ Jesus-ñum kiugaa, “Uqaǵaqtuja sagvipluňa kisupayaamun. Ilisautrisruuruja Jew-ñjuruat katragvijinjtñi suli agaayyuvikpaŋatni. Nipiqangitčuňa qanutchiňik iriǵaqtuġluňa.

²¹ Suvaatami apiqsruqtaqpisitňa uvaňa. Apiqsruqsigik tamatkua ińuich tusraaritka sumik uqautiħhat uvajnun. Ilinjsa ilisimagaat qanuq uqałiǵa.” ²² Taatnaqman Jesus ilaqataguq qanakṣrit patiktiqługu nipliutigaa, “Qanuqhutin itnailiplugu kiulipqiň qaukliat agaayuliqsit?” ²³ Jesus-ñum kiugaa, “Uvaja nipliguma qanutchimik nalaunjaiġlugu uqautiġiň iluqaitnūn uvaniittuanun. Aglaan nalaunjaruamik pakma nipliġnigu-ma, suvaata patikpiňa?” ²⁴ Annas-ñum tuyuġiničaa Jesus qiliqsrutraq Caiaphas-mun qaukliat agaayuliqsitnun.

Peter-m Piilaaqapsaaļha Jesus-mik

²⁵ Peter-guuq auksiġugaagniqsuq ikniġmun aasriiň ińuich apiq-sruġničaat, “Taavruma ińuum ilägingitpatin maliguaqtaiň?” Peter-m piilaġutiniġai, “Ilägingitčaatja ilaan maliguaqtaiň.” ²⁶ Ilaqataguuq qauklium agaayuliqsim savaktaiň, iläginikkajan taivruma siutaiqskajan Peter-m, nipliutiničaa, “Qińingitpigiň piqatauplutiň ilaani nautchiiviňmi?” ²⁷ Peter piilaalgiňniqsuq, “Ilägingitčaatja.” Taatnaqmieuľu taimňa aqargiqpak qalguqtaġniqsuq.

Pilate-ñum Apiqsruqtaiļha Jesus-mik

²⁸ Taapkua aullautiničaat Jesus Caiaphas-ñum tupqaniň kavanam Pilate-ñum inaanun uvlaatchaurami. Aglaan Jew-ñjuruat isiqataun-ġiňniqsuq tatqamuňa agliqsraļikun salumiġumanġitlutiň ijmklnik. Piqutigiplugu niġiqatauļiksraqtij itquplugu niġiqpagvikaami tag-gisiqaqtuaq Apqusraaqtitauļigmik. ²⁹ Taatnaqhuni Pilate anipluni uqaqatigityaqtuġničai nipliutiplugich, “Sumik agvisiqaqpisuň qamna ińuk?” ³⁰ Taapkua kiuničaat, “Uvagut tikiutinayaitchikput ilipnun ilaa savvaqļukkataġuni piñgitpan.” ³¹ Pilate-ñum nipliutiničai, “Tigusriuň ilipsitňik atanniqsuġluň tuvraqlugich maliġutaksrasri.” Jew-ñjuruat kiuničaat, “Rome-maġmiut tuqqutchipkaiyumiňaitchaatigut ińuymik maliġutaksirrutiptigun.” ³² Taamnaguuq atuummiňniqsuq immiutaupluni Jesus uqautigimakkajanun qanuq iļiļugu tuqqutauļiksraġmigun.

³³ Pilate isigniqliq suq kiňumun inimiňun aasrii tuqļuqługu Jesus-ñum apiqsruġničaa, “Uvva umialigivatin Jew-ñjuruat?” ³⁴ Jesus-ñum kiuničaat, “Taamna apiqsruutigiviň ilipnihiňaq naaga atlat uqautivatin uvapkuń?” ³⁵ Pilate nipliqliq suq, “Jew-ñunasugiviviňa? Jew-ñuqatativich suli qaukliji-

sa agaayuliqsit qaisaǵigaatin uvaŋnun. Suruami pivatin?”³⁶ Jesus-ŋum kiugaa, “Uvaja umialgunǵitchuja marrumanı nunami. Umialguguma atriługu umialik marrumanı nunami, maliguaqtika aŋuyakkayaqtut tigutqunǵilliŋa Jew-ŋuruanun. Aglaan aŋalatchilı̄ga maakŋaqtaungipiaqtuq.”³⁷ Pilate-ŋum apiqsrlulgıññigaa, “Ilviñmi umialguvich?” Jesus-ŋum kiugaa, “Tarra, nipliutigiň umialgunipluŋa. Uvaja aniruaŋjuruŋa suli nunamuktuŋjuruŋa piqusriqluŋa uqałiksrapkun ilumutuuŋamik. Kisupayaam iñuuруam ilumutuuŋlikun naalagaǵigaana.”³⁸ Pilate-ŋum apiqsruǵaa, “Suami una ilumutuuŋliq?”

Jesus Tuquruksraǵuǵaat

Pilate-ŋum kiñumun aniłgitluni Jew-ŋuruanun nipliutiniğai, “Uvaja paqitchilguiññiqsuŋa sumik tuqurrutiksrajanik.”³⁹ Aglaan tuvraqlıgu atuumiraǵikkaqsi piɬhiňaagüutigiga patchisaiğılıksraǵa isiqtamik ilipsitñun uumanı nigiqpagvikaami taggisiqaqtuaq Apqusraaqtitaulıǵmik. Ilipsi uvaŋnun patchisaiqsiqvisiuj umialgat Jew-ŋuruat ilipsitñun?”⁴⁰ Taapkua kiugaat niptusrıllapiqaqhutin, “Taamnaungitchuaq, pisutluk-kikput Barabbas.” Taamna tigiliŋniaqtaruq.

19 ¹Tarra Pilate-ŋum Jesus tigupkaqlıgu ipiǵaqtuqsiupkaǵniğaa.
²⁻³Aŋuyyuqtit niaquusriğniğaat kaktılaǵnanik suli atnu-ǵaaqlıgu umialiktamik ukiňhaágiksaaamik aasrii nipliatiqsiplugu, “Inuuqparkumuutin umialgat Jew-ŋuruat.” Suli tikiňniğaat patiktiqataaq-siplıguasrii.⁴ Pilate-ŋum anitqikhuni nipliutiniğai iñuich, “Pakma ilaa annisigisigiga ilipsitñun, iłitchuǵitqulugu uvaja sumik paqitchińgiłhagun atanniusriaksrajanik pигiılıugu.”⁵ Jesus aniňiqsuq niaqutilik kaktılaǵnanik suli umialiktamik atnuǵaalik. Pilate nipliutiniğai iñuich, “Uvva, qиńiqliş iñuk!”⁶ Qauklińich agaayuliqsit suli qaunaksrit qиńiqamitruj igiallaksagańiqsut, “Kikiaktuutisriuj sanniǵutamun, kikiaktuutisriuj sanniǵutamun!” Pilate-ŋum nipliutigai, “Ilipsi tigulugu kikiaktuutisriuj sanniǵutamun. Paqitchińgitchuaq agvisiksrajanik atanniusriaqa-lıksrajan taatna.”⁷ Jew-ŋuruat kiuniǵaat, “Maligutaksraqaqtugut uqałiqaqtaumik ilaa tuquruksrauplugu takku nipiqaqtuq iğniǵinipluni Agaayyutmun.”⁸ Pilate-ŋum tusraa’amigich taatna nipliaruat, ilaa naviasrulillapiqaqhuni itqutipkaǵniğaa Jesus.⁹ Aasrii ilaa isitqikhuni tatqamuňa uqaqsittaǵviňmun nipliutiniğaa Jesus, “Nakiň aggıqsuami?” Aglaan Jesus kiunǵiňniğaa.¹⁰ Pilate-ŋum nipliutilgiňniğaa, “Ilvich uqautisrun-ǵitpiňa? Itqaǵiuŋ uvaja aŋalatchirrutıqalaǵiga patchisaiɬhiňauplutin suli kikiaktuutipkaɬhiňauplutin sanniǵutamun.”¹¹ Jesus-ŋum kiugaa, “Pigigň aŋalatchilı̄q uvapkun kisianik qaisaułhagun ilipnun Agaayyutkun. Taatnaqhuni taimňa iñuk qaitchiruaq uvamnik ilipnun killuqsatíqaqtuq kamanatluktuamik ilipniň.”¹² Pilate-ŋum tusraa’amiuŋ taamna ilaan

annautisrulillapiatlukkaluagñigaa patchisaigługu. Aglaan Jew-ñuruat iğialaplutij kiumaniğaat, "Annaktitchupku una iñuk, Caesar-m Rome-miittuam ilauraagiymiñaitchaatin. Kiñapayaaq ijmiñik ataniguqtaqtuaq Caesar-m akilligigaa umialguruam Rome-mi." ¹³ Pilate tusraa'amigich tamatkua nipliatit, ilaan annisinigaa Jesus aasrii aquvitluni atangum inaanun, taggisiliqmun "Iyagañmik Natilik," aasrii Hebrew-tigun taiyuutiqaqhuni "Gabbatha." ¹⁴ Uvluqpaguqtuami uvluani paqnałhum niqiqpavikaamun taggisiqaqtuam Apqusraaqtitaułigmik, Pilate nip-liutiniğai Jew-ñuruat, "Kiikaami, uvva umialiks!" ¹⁵ Tamatkua iñuich iğialaplutij kiunigaat, "Tuqulli! Tuqulli! Kikiaktuutili sannigutamun." Pilate-ñum apiqsruğnígai, "Uvajnun kikiaktuutipkaqtitquvisiuj umialigikkaqsi sannigutamun?" Qauklinjich agaayuliqsit kiunigaat, "Uvagut qaukligmik umialiqaqtugut Rome-mi. Avataagun atlamic umialiqanğıt-chugut." ¹⁶ Tarra Pilate-ñum qaiññiğaa Jesus ilinjitñun ajuuyiuqtinun kikiaktuutitquplugu sannigutamun.

Jesus Kikiaktuutigaat Sannigutamun

¹⁷ Tamatkua iñuich ayalatkaqsiñiğaat Jesus. Aniñiqsuq akiyaqhuni kikiaktuutriviksrağmînik, tikiutiplugu nunamun taiyuutiqaqhuni "Niaqum Sañgânîk," Hebrew-tigunaasrii taiyuutiqaqhuni "Golgothamik." ¹⁸ Taapkua ajuuyiuqtit kikiaktuutiniğaat Jesus sannigutamun, piqasriqługu malguñnik atlañnik iñnuñnik kikiaktuutiplugik sannigutañnun avataanun, Jesus qitiqlıliutiplugu. ¹⁹ Pilate-ñum aglañniğaa ilisimmatiksraq aglak aasrii taapkua ajuuyiuqtit iliplugu sannigutam qulaanun, itna aglalik, "Jesus Nazareth-miu, umialgat Jew-ñuruat." ²⁰ Iñugiaktuat Jew-ñuruat agliqiniğaat, taamna Jesus kikiaktuutikkauvia unjasriñgitluni nunaaqqimiñ. Ilisimmatiksraq aglak aglaksimapluni piña-sruinjutlugu uqautchisigun Hebrew-tigullu Latin-tigullu suli Greek-tigun. ²¹ Jew-ñuplutij qauklinjisa agaayuliqsit itnağniğaat Pilate, "Aglaknagu 'Umialgatnik Jew-ñuruat,' aglaan 'Taamna iñuk uqağnílugu, uvaja umialigaatja Jew-ñuruat.'" ²² Pilate-ñum kiuniğai, "Qanuq iliplugu uvaja aglakkağa taatna aglaksimagisiruq."

²³ Ajuuyiuqtit kikiaktuutianikmatruj Jesus sannigutamun, tiguniğaiçh atnuğaañi autaagaqsiplugich sisamainjutlugich, atausriuttaağutij piqatlasriplutij, aasriiñ atnuğaañi kiluiłaaq ukiłhaaq aulaiłaq qaliğurriajumaniqsuq. ²⁴ Ajuuyiuqtit uqaaqsiñiqsut avatmun, "Aliktusrujaqnagu una, nalautchaağautigilakput ilitchuğisağlugu kimun piginiaqtilaaña." Taatnaqamitruj immiñniğaat uqałiq uqautigimaruaq itna,

"Ilinjisa autaagaçaiçh atnuğaañi, ijmiknun,
suli nalautchaağautigiplugu atnuğaaña."

Psalm 22:18

Ajuuyiuqtit piñigaat taamna.

²⁵ Taatnaqtitlugich qichaǵniqsut killijani kikiaktuutrvium Jesus aakaŋalu, suli aakaŋan aniqataa, Mary-lu ilaqtataa Clopas, suli Mary Magdalene. ²⁶ Jesus-ŋum qiniqamiuŋ aakanı suli maliguaqtı piqpagikkani qichaqatauruak, nipliutiniǵaa aakanı, “Aakaŋ, tarra iğniğiń!” ²⁷ Suli nipliutiplugu taamna maliguaqtı, “Tarra ilvich aakan!” Tarakjanińaglaan taavruma maliguaqtim iñmajniǵaa kiňuniǵmińun.

Jesus-ŋum Tuqułha

²⁸ Jesus-ŋum ilisimanigaa, sum iluqani immikkaułha, suli agliq-simaraq uqalıq immianiktitchaqługu nipliǵniqsuq, “Imiǵuktuna.” ²⁹ Pińaluguuq tamaani inniqsuq imalik siiǵnägluktuamik misruqqumik. Tarra iljiniǵaa misruktaqtı misruqqumun, aasiiń akiqqumik israuttusriqługu takpichuja israağutiplugu qaqluuknun. ³⁰ Jesus akuqtu-qamiuŋ misruǵuq nipliǵniqsuq, “Tarra naattuq.” Aasriiń sikitlugu niaquni anignińiǵniqsuq.

Jesus Kapigaat Sannigaagun

³¹ Tarra Jew-ŋuruuat injigniǵaat Pilate, niugaaqtągukługich tuquńagiaquplugich taapkua aŋutit tuqqutauruat aasrii atqaqtillugich sannigutajitńiń. Taatnaǵuŋniqsut takku tikiumapluni tallimmiuńiq akunniqsami ilińisa niviatqungitlugich titit sannigutajitńi minguiq-siaǵvium uvluani, takku tikiumaniaqhuni nuimaniqsraq minguiqsiáliq atlaniń minguiqsiáliǵniń. ³² Ajuuyiuqtit taruńaqamiŋ niugaaqtągniǵaich taapkuak avataani Jesus-ŋum tuqqutauqatauruak Jesus-kun. ³³ Aglaan tikitmatruŋ Jesus ilitchuǵiniǵaat tuquaniksimalha. Taatnaqługu ilińisa niugaaqtanjińiǵaa. ³⁴ Aglaan ilaqtata ajuuyiuqtit kapiniǵaa panaminińik Jesus-ŋum sannigaagun aasrii tarvauvaa auglu imiglu maqiplutik. ³⁵ Iňuk taamna qiniqtaaq taavrumija ilisimarriǵniǵaa ilipsipsuuq ukpiq-sritquplusri. Ilaan uqauttutaa ilumutuuruq, suli ilisimagaa uqauttutmi ilumutuułha. ³⁶ Taatnaılipługu iñiqtauniqsuq aglausimaruqa uqalıǵmi immiqługu, “Nalliatunniń sauniǵikkjanıń piiyaqtakkauyumińaitchut.” ³⁷ Suli atla uqalıq itnaqsimaruaq, “Ilińisa sukuıǵługu qiniǵisigaat ilaa kapukkaqtıń.”

Jesus-ŋum Iluvikkaułha

³⁸ Taavruma aquagun Joseph-guuq Arimathea-ǵmii maliǵuaqtaup-mińihsuq Jesus-mi nalunautchipłuni takku iqsimmaǵmi Jew-ŋuruuanik pipluni. Apiqsrugman Pilate-ŋum pitquniǵaa timi, Joseph-ŋumaa-srii aullautiplugu. ³⁹ Nicodemus, taimńaptuuq qiniǵiaqtaaq Jesus-mik unnuami, tuvaaqatauniqsuq Joseph-mi saagaqhuni tallimakipiatun

uqumaisilaaliymik tiprağıksautinik atlagiiňik atiqaqtuanik myrrh-miglu aloe-miglu. ⁴⁰Taapkuak iññuk piñigaak Jesus-ŋum timaa nimiqsruqļugu ukiļhaamik piungıyaikkusriqsuqsimmaan, taatnatun Jew-ŋuruuat timimik savaaqaǵaǵı́hat atriplugu. ⁴¹Taavrumaniuuq nautchiivíjmi Jesus-ŋum tuqqutauviani inniqsuq nutaaq iluviksraq atuqsimalaaq. ⁴²Uvvaaſriiń pisigiplugu Jew-ŋuruuat paqnaviat, suli taavruma iluviksram qaniłhagun, inillańnigaat Jesus taruja.

Iluviq Iñuitchuaq

20 ¹Uvlaatchaurami aullagniisautaani akunniqsaaam tanuǵagu-gaaqtitlugu, Mary Magdalene iluvıǵmuńniqsuq aasrii qíñiqļugu iyágak. Piiqsimaniqsuq paanjanıń iluvıǵum. ²Aqpaqsruqhuni utlautiniqsuq Simon Peter-mun suli atlaman maliguaqtum, Jesus-ŋum piqpagik-karjanun, aasrii uqautiplugik, “Iñuich aullautiniǵaat Ataniq iluvıǵmiń. Ilitchuǵingitchikput napmun inillaktilaaja.” ³Peter-lu atlalu taamna maliguaqtu utlautiniqsuk iluvıǵum. ⁴Iluqatik aqpaqsruqhutik, aglaan ilaqtataan maliguaqtum unińnígaa Peter tikiłǵaaqhusrii iluvıǵum. ⁵Augrukami qíñigniǵaa ukiļhaagiksaaq nimiqsruutaa aglaan isingiń-nihsuq. ⁶Kińuagun tikitńami Simon Peter uiyuińaqhuni isignihsuq tatqamuja qíñiqļugich aasriiń ukiļhaat nallaviani, ⁷suli ukiļhaaq nimgu-tauruaq Jesus niaquanun inillaksimanǵińnihsuq taapkunuja ukiļhaanun aglaan imullaksimanihsuq ilaagun. ⁸Taimńali atla maliguaqtu tikiłǵaaǵ-luaqtuaq iluvıǵum isiqmińihsuq, qíñiqļugu aasrii ukpiqsripluni. ⁹Ilinjik kaniqsianilguińniǵaaksuli aglausimaruuaq uqaǵıq itnaqsimaruuaq ilaa anitqikkisińiplugu tuqulıǵmiń. ¹⁰Tarakıja taapkuak maliguaqtik utiǵniq-suk ańilaaqhutik.

Jesus-ŋum Sagviļha Mary Magdalene-mun

¹¹Mary-li siłataani itluni iluvıǵum qianihsuq. Qiallaǵmi augruaǵnihsuq qíñigukhuni iluvıǵum. ¹²Aasrii qíñiqtuq malǵuńnik israǵullańnik atnuǵaal-lańnik qatiqtaanik aquppiruak Jesus-ŋum timaa irviani, ilaqtataa niaquan tujaani aasriiń ilaqtataa isigaiń tujaatni. ¹³Taapkuak nipliutiniǵaa, “Marii, suvaata qiaovich?” Kiuniǵik, “Iñuich aullautiniǵaat Ataniǵa, aasriiń nalu-giga ilińitńun napmun inillaktilaaja.” ¹⁴Taatnaqqaqhuni kijiaqhusrii qíñigniǵaa Jesus qichaqtuaqtuaq, aglaan ilitchuǵingińniǵaa Jesus-ŋutilaa-ja. ¹⁵Jesus-ŋum apiqsruqniǵaa Mary, “Suvaata qiaovich? Kińa pakikpių?” Ağnam nautchialiqliqinasugiplugu nipliutiniǵaa, “Iñuuk, aullautigupku uvak-ja, uqautillańja napmun inillaktilaaja; uvańjali aiyumiǵiga.” ¹⁶Tarra Jesus tuqluǵaa atqanik, “Marii!” Ağnaq kijiaqhuni uqaǵnihsuq ilaanun, “Rabboni!” (itnautauruaq Hebrew-t uqausrijisigun, Iñisautrii!) ¹⁷Jesus-ŋum nipliutit-qíñiǵaa, “Aksińniaqnaja takku aullanǵitchunasuli pakmuja Aapamun.

Aglaan aullaġutin aniaqatiumnun kiligiakkich pakmuňaġniagiňluja ilaanun Aapamnun Aapagikkapsitňunlu, uvaja Agaayyutimnun suli ilipsi Agaayyutipositňun.”¹⁸ Mary Magdalene uqautilityaġniġai maliguaqtit qiniġnip-ļugu Ataniq suli tamatkunija uqaṭinipluni.

Jesus-ŋum Sagviľha Maliġuaqtimiňun

¹⁹ Tamarrumani uvumi unnuksman aullaġniisautaani akunniqsaam, maliġuaqtit katimmiňiqsut atautchimi kiluuusautiplutiň nuyuaqħutiň Jew-ŋuruaniň. Taimmaiňaq Jesus-ŋum tikitlughich akunajġiġnīgħi nipliutiplugħi, “Qiňuiňnaq ilipsitňun!”²⁰ Taatnaqqaaqħuni qiniqqtinniġai ikiňiġmīnik argajmiň suli saniqqamiňi. Tarra maliguaqtit quvietħajniqṣut qiniqamitruj Ataniq.
²¹ Jesus-ŋum nipliutiqiġiġnīgħi, “Qiňuiňnaq illi ilipsitňun! Atriplugu Aapam tuyuqalha uvamnik, taatnatantuq tuyugħigħipsi.”²² Taatnaqamigħiċ āniq-saġġiviniġi taapkua maliguaqtini nipliutiplugħi, “Aku tuqsiun Ipqitchuaq Irrusriq.²³ Ilipsi natqiusrima āġupsigik iñu u killuqsautiġiċ natqikkaurut, aglaan natqiusrima angitchupsigik killuqsautiġiċ natqikkaungħitchut.”

Jesus Sagviľha Thomas-mun

²⁴ Ila jarguuq maliguaqtit, Thomas-mik taiyuutilik Malġimik, tarani ingiň-niqliq Jesus tikitman.²⁵ Atlat maliguaqtit uqaṭiniġa, “Qiňiġikput Ataniq!” Thomas nipliutiniġi, “Qiňingiġiġaġupkich ikiňiġi kikiagħiċ argaġi suli iļiliġiċ argatka ikiňijanun saniġaani ukpiqsrīyumiňa itčuha.”

²⁶ Akunniqsaajanikhutiň kiňuvatigun maliguaqtit katimalgiňniq-sut, Thomas piqataupluni taavruman. Talut umiktuutiqaġniq-sut, aglaan Jesus akunajjanilgiňnīgħi nipliħħuni, “Qiňuiňnaq ilipsitňun!”²⁷ Ilaan nipliutiniġaa Thomas, “Israutilugħiċ argaktin uvu ja, qiniġkitch argat-ka, israaġutilugħiċ argaktin saniqqamnun. Arguaqtunġiġutin ukpiqsrīiñ!”²⁸ Thomas kiuniga, “Ilvich ataniġigikpiň suli Agaayyutigigikpiň!”²⁹ Jesus-ŋum nipliutiga, “Ukpiliqpitch qiniġianikapja kisianik? Qanutun quvianaqtigivat tamatkua ukpiqsriruat qiniġaluaqna ja.”

Qanuq Pitquriħhat Ukua Makpiġaat

³⁰ Jesus-guuq iñiqtaqqaġniqsuq iñugiaktuanik atlanik quvinqnaqtuanik savaanik maliguaqtimi sivuġaġatni, aglaksimalutti inġiċċhuanik ukun-ni makpiġaani.³¹ Aglaan tamatkua aglausimmarut ukpiqsrītqu plusri Jesus Christ-ŋutilaajanik Igħniżja Agaayyutim, suli iñu utlasritqu plusri ukpiqsrīlipsigun ilaanik.

Jesus-ŋum Sagviľha Tallimat Malġuġnun Maliġuaqtimiňun

21 ¹ Kiňuagun tamarruma Jesus sagviaqtupsaġniqsuq iż-żejjem maliġuaqtimiňun siňaani narvam taiyuutiqaqtuam Tiberias-



(Jn 21.6)

mik, uvva itnailiplugu, ² Simon Peter-lu, Thomas-lu taiyuutilik Malġimik, Nathanael-lu Cana-ġmiu Galilee-mi, iğñaglu Zebedee-m suli malġuk atlak maliġuaqtik, iluqatiż atautchimiinniqsut. ³ Simon Peter nipliġniqsuq ila-miñun “Qalliaġġnaqtuja.” Taatnaqman taapkua atlat nipliutpmiñigaat, “Malikkisigiptiñ.” Iluqatiż ikiniqsut umiamun, aglaan unnuaqtililaajani sumikunniñ qalunġiñniqsut. ⁴ Siqiñġum mayuuraaħħani Jesus qichäġniqsuq imġum siñaani aglaan maliġuaqtaiñ iłitchuġingiñniġaat Jesus-nutilaaja. ⁵ Ilaan nipliutiniġai, “Ilgħaat, qaluutiqaqpisi?” Iljinisa kiuniġaat, “Naami.” ⁶ Ilaan nipliutilgiñniġai, “Siġitchiuj kuvraqsi taliq-pian tujaanjan umiapsi, ilipsi qalukkumuusri.” Malīgħaqtit siġinniġaat kuvraqtij aasriiñ payyaksagħiġaat nuqitchaqamitruj umiam iluanun takku qaluvvagitluni. ⁷ Malīgħaqtim Jesus-ħum piqpagikka jaġi nipliutiniġaa Peter, “Piñña Atan iġiġikput.” Simon Peter-m tusraa’amiu takpiñña Atanġuħha, ilaañ atitqisksaqi miex atnuġaani mattaummitchani misiñniqsuq taġiūmun. ⁸ Taapkua ilai maliġuaqtit kilvaġniqsut umiakun nuqirrutigalugu kuvraq imalik qalunġnik ilijiet ujasriura qhutiż siñaani, tallimakipiatun apluqq-paktaaqħuni urräksrayu njaliktun. ⁹ Iljiet tulakamij, qiñiqtut iknipiamik qalunġnik uutaliżmik suli qiñiqħutiż qaqqunik. ¹⁰ Jesus-ħum nipliutiniġai, “Uvu jaħtrisitchi il-jaġitniki qaluiċċi qaluktapsi akkuvak.” ¹¹ Simon Peter-m ikitqikhuni umiamun kalijñiġaa kuvraq siñaanun imalik qalukpaġġnik, tallimakipiaq malġukipiaq qulit piñasrunik iñugiaktila lijiġi, naagatarra iñugiakkaluaqħutiż kuvrajan alinġiñniqsuq. ¹² Jesus-ħum nipliutigai,

“Uvunjağusri niğisitchi.” Nallitaunniiñ maliğuaqtit apiqsruğumanğıññigaa, “Kisuuvich?” Ilijisa iłitchugiñigaat Atanǵutilaanjanik. ¹³ Jesus-ŋum qallilaaqhuni tigu'amiuj qaqqiaq autaagnigaa ilijitnun. Taatnatunsuli pińigaa qaluk. ¹⁴ Taavrumani pińatchigñigai Jesus-ŋum qiniqtitalla iñymiñik maliğuaqtinun anitqiqqaqhuni tuqulıgmiñ.

Jesus-lu Peter-lu

¹⁵ Iljinich niğiankmata Jesus-ŋum nipliutigaa Simon Peter, “Simon! Igñiña John! Piqpagitlukpiña ukunakja?” Peter-m kiugaa, “Aa, Ataniiq! Ilijisimagiñ uvañnun piqpagilhiñ.” Jesus-ŋum nipliutigaa, “Niğipkakkich ipnaiyaatka.” ¹⁶ Tugliliqługu Jesus nipliutilgiññigaa, “Simon! Igñiña John! Piqpagiviña?” Peter-m kiugaa, “Aa, Ataniiq! Ilijisimagiñ uvañnun piqpagilhiñ.” Jesus-ŋum nipliutilgitchaa, “Qaunagikkich ipnaitka.” ¹⁷ Pińatchiqługik Jesus-ŋum nipliutilgitchaa “Simon, Igñiña John, piqpagiviña?” Peter aliatchañniqsuq Jesus-ŋum apiqsruqmani piňasruni atiruamik, “Piqpagiviña?” Aasrii Peter-m kiuniñaa, “Ataniiq! Ilijisimagiñ suapayaaq. Ilijisimagiñ uvañnun piqpagilhiñ.” Jesus-ŋum kiugaa, “Niğipkakkich ipnaitka.” ¹⁸ Iłumutuuruamik nipliutigikpiñ, nutau'avich tapsiągiksiplutin igligaqtutin napmupayaağukavich. Aglaan utuqqagağuvich atlasm iñuum qiliğniaqgaa-tin israaqtillutin aullautilitin aullağvigisrungısaqnun.” ¹⁹ Taatnaqamiuj Jesus-ŋum uqautiginigaa qanutchikun tuqułikun Peter-mun kamanaqtingniaqtilaaña Agaayyun. Taatnaqqaaqługu nipliutiniğaa, “Maliğuañja!”

Jesus-lu Atlalu Maliğuaqtelu

²⁰ Peter-m kirjiaqhuni qiniğniğaa maliğuaqtı Jesus-ŋum piqpagikkaja maliktuaq. Taimñauniqsuq ikusiksimsaaqtuaq qanitluni Jesus-mi nullautchi-qamiñ suli apiqsruqtuaq, “Ataniiq, kia aatchuutigitniñjaqpatin?” ²¹ Peter-m qiniqamiuj taamna apiqsruğniğaa Jesus, “Ataniiq! Qanuğniaqpaliuna?” ²² Jesus-ŋum kiugaa, “Uvana iñuupkağukkupku aggitqinñiałłamnunag-laan, suuva taamna ilipnun? Maliñja!” ²³ Taamna uqauttutaa siaminniqsuq akunğatnun aniqatigiiñun taamna maliğuaqtı tuquyumiñaiññiplugu. Jesus taatnangiñniqsuq tuquyumiñaiññiplugu, aglaan itnathiñaqhuni, “Iñuupkağukkupku aggitqinñiałłamnunaglaan, suuva taamna ilipnun?”

²⁴ Taamna maliğuaqtı taamnauruq quliaqtuaqtuaq tamatkuniña, sulipsuuq aglaktuaq tamatkuniña, aasrii nalungitchikput quliaqtuağıkkajan iłumutuułha.

Uqaliqsaağun

²⁵ Iñugiakkalaqtuq atla qanusriq Jesus iñiqtağıkkaja. Iluqatinj aglaksimalutij atausiukattaagliugich pimakpata, iluqaniqanu nunam tigummianilgunayaítpalukkai aglaich aglakkaukpata.